

debent penes innocentem expensis partis  
nocentis, saltēm post judicis sententiam.  
Laym. l. 5. tr. 10. p. 3. c. 7. n. 19. cum com-  
muni.

Q. 6. *An uxor teneatur sequi virum ad co- 400.*  
habitationem? R. cum Busenb. hīc d. 3. affir-  
mativē. Excipe 1. nisi ex sequela timere-  
tur grave onus, vel periculum vitæ, pudici-  
tæ, salutis &c. 2. Nisi vir post matrimo-  
nium factus esset vagus, nec facilē sit sequi;  
secūs si ante fuit vagus, idque ipsa scivit. 3.  
si in contractu matrimonii additum fuit pa-  
ctum de non mutando domicilio, & nulla  
gravis necessitas urgeat.

### ARTICULUS III.

#### De Impedimentis Matrimonii.

##### §. I.

#### De Impedimentis in genere.

Q. 1. *Quotuplicis generis sint impedimenta ma- 401.*  
trimonii? R. cum S. Thom. in 4. dist. 34.  
q. un. a. 1. impedimenta alia esse, quæ ma-  
trimonium reddunt illicitum, seu validum  
relinquent; alia verò quæ non tantum illici-  
tum, sed etiam irritum matrimonium effi-  
ciunt. Priora vocantur *impedimenta impe-  
dientia*, posteriora *dirimentia*, non eo sensu,  
quod matrimonium ratum dirimant, sed  
quod impedian, nè ratum fiat Laym. l. 5.  
tr. 10. p. 4. c. 1. n. 1.

**402.** Q. 2. *Ad quam potestatem pertineat talia inducere?* R. cum Laym. l. 5. tr. 10. p. 4. c. 1. n. 1. spectata rei naturâ, & seclusis Ecclesiasticis institutionibus, omnis Magistratus sacerdotalis, qui absolutam potestatem habet ferendi leges subditis, potest eadem impedimenta matrimonii tum impedientia, tum dirimentia ob justam causam decernere. Ratio est: quia matrimonium est contractus in naturæ officium, & ad propagationem communitatum institutus; quare perinde, ac alii contractus subjacet dispositioni Magistratus. Nihilominus Ecclesia potestatem hanc principibus Christianis respectu fidelium interdixit, sibique propriam reservavit. Ratio est 1. quia ita decuit, ut, postquam contractus matrimonii ad Sacramenti dignitatem elevatus, Trid. Sess. 24. de Sacram. matrim. Can. 3. & 4. fideles iis subjecti non stringantur. Tann. de Matr. thesi 137. Ratio est 2. quia plurimum interest propter Sacramenti dignitatem hac in re uniformitatem inter omnes Christianos exire. Laym. cit. n. 3.

**403.** Q. 3. *An etiam Episcopus impedimenta matrimonii inducere possit?* R. negativè; sed debent universalibus Canonibus à summo Pontifice, vel generali Concilio decerni. Est communis, & constat ex praxi Ecclesiarum. Ratio est: quia cause, quibus matrimonii valor vertitur tempore gravissimæ judicatae sunt; ut proinde universalis Pontificis jure de-

definiri debeant. Et quanquam summus Pontifex per particularem sententiam ex iusta, & gravi causa matrimonia quibusdam interdicere possit, non facilè tamen tali potestate utitur. Ità citatus Laym. n. 4.

**Q. 4. An leges Ecclesiasticae de impedimen-**  
*tis matrimonii, præsertim dirimentibus, etiam hereticos obligent?* R. cum Gob. tr. 9. l. 1.  
 à n. 27. affirmativè. Hæresis enim non sufficit ad eximendum quempiam obligatione impedimentorum; sicut non sufficit ad eximendum ab aliis obligationibus per baptismum contractis. Unde concludit Gob. cit. omnia matrimonia hæreticorum cum impedimento etiam juris Ecclesiastici esse irrita; excipit tamen impedimentum Clandestinitatis, & raptus; quod utrumque à Concilio Tridentino inductum, probabilissimum est nunquam esse promulgatum in terris Lutheranorum, & Calvinistarum.

## §. II.

### De Impedimentis impudentibus tantum.

**Q. 1. Quæ sint impedimenta tantum impediens?** R. præter peccatum mortale, & excommunicationem, in quibus illicitum omnino est matrimonium contrahere; Impedimenta *impudentia* tantum sequentibus versibus ab Authoribus stringi solent,

*Ecclesia vetitum, nec non tempus feriarum,  
Atq[ue] catechismus, crimen, sponsalia, votum,  
Impedient fieri, permitunt facta teneri.*

*Vel ut Layman habet hic c. 15.*

*Interdico, dies, crimen, sponsalia, votum.*

406. Q. 2. *Quid intelligatur per Ecclesia vetitum?*  
R. intelligi prohibitionem, seu interdictum Ecclesiae, quod fit ab Episcopo, vel Parocho ob dubium impedimenti aliquujus, vel inhabilitatis inter copulandos. Laym. l. 5, tr. 10. p. 4. c. 15. n. 1.

407. Q. 5. *Quid intelligatur per tempus feriarum?*  
R. intelligi tempus sacratum, quod à prima Adventū Dominica usque in diem Epiphaniæ inclusivè, & à feria 4. Cinerum inclusivè usque ad octavam Paschatis inclusivè currit, Trid. Sess. 24. c. 10. de ref. matr. Ubi observa cum communi; his temporibus non prohiberi omnes absolutè nuptias, sed solennes tantum, illas videlicet, quæ fiunt cum benedictione nuptiali, & solennis pompa, traductione cum solenni convivio, aliisque lætitiae signis, Sanch. l. 7. D. 7. n. 17. Perez, Hurtado &c, Idecirco nullo communi jure interdicitur, ne quis matrimonium ineat sine benedictionibus, & solemani illa deductione sponsæ, convivioque immoderato; consequenter non aget Parochus quidquam adversus Synodus Tridentinam, si tempore Adventū, aut quadragesimæ assistat matrimonio non solenni benedictionibus dilatis in aliud tempus, uti & deductio-

ne, atque conviviō. Non est tamen facile admittendum, nisi urgeat necessitas, ut si in mortis periculo constitutus concubinam ducere velit. Quod praxim attinet, etiam pro assistentia non solenni tempore feriarum Parochi licentiam petere solent ab Episcopo. Cæterū probabile est solas benedictiones nunc prohibitas esse sub mortali; modestam autem traductionem, & convivium non nisi tunc, cùm scandalum est annexum.

**Q. 4. Quid intelligatur nomine Catechismi?** 408.  
Intelligi responsonem pro infante, quando supplantur ceremoniæ post baptismum collatum in necessitate. Impedimentum juxta Sanch. l. 7. de 10. n. 12. Fill. Fagund. &c. sublatum videtur à Trid. Sess. 24. de ref. matrim. c. 2.

**Q. 5. Quid nomine criminis intelligatur?** 409.  
Cum Laym. l. 5. tr. 10. p. 4. c. 15. intelligi quædam crimina, ob quæ, quasi pœnitentia loco, abstinentia à conjugio, antiquis Canonibus decreta erat. Sunt autem hæc:  
1. Uxoridium. 2. Presbyteridium. 3. Matrimonium cum moniali scienter initum. 4. Susceptio propriæ prolis de fonte baptismali ad impediendam redditionem debiti. 5. Publica pœnitentia, quam diu durat. 6. Ratus sponsæ alienæ. 7. Incessus cum consanguineis conjugis, aut sponsæ adhuc viventis. Hoc Criminis impedimentum per non usum sublatum est, ut

R s idem

idem Laym. docet complures alios referens,  
id ipsum sentientes.

**410.** Q. 6. *Quid intelligatur per impedimentum sponsalium?* R. intelligi, quod sponsalibus legitime contractis, nisi iusta de causa solvantur, licet cum alia matrimonium contrahi non possit. Coninck, Fill. Bonac. apud Bussenb. tr. 6. c. 3. d. 1.

**411.** Q. 7. *Quale votum tantum impedit, & non etiam dirimat matrimonium?* R. simplex votum castitatis. 2. Votum amplectendæ Religionis. 3. Votum matrimonium non ineundi. Quæ vota illicitum reddunt matrimonium, licet illud non invalident, uno casu excepto: si uxor in sæculo continentiam vovens marito licentiam dedit sacros Ordines fuscipiendi; quo casu defuncto marito, nec quidem validè ad secundas nuptias transire potest, sicut constat ex c. quia sunt. 10. D. 28. Pro pleniori notitia.

**412.** Q. 8. *Quid intelligatur per Votum Simplex?* quid per Votum Solenne castitatis? R. Votum solenne est omne, & solum illud, quod emitunt vel Clerici ex constitutione Ecclesiæ, dum ordinantur in Subdiaconos, vel quod emittunt Novitii, aut Religiosi dum edunt professionem Religiosam. Cætera vota castitatis simplicia nuncupantur. Vota autem post biennium Novitiatus in Societate JESU emitti solita simplicia quidem sunt; quemadmodum tamen emittentem verum Religiosum efficiunt, ita etiam matrimonium

nium non tantum impediunt, sed & dirimunt. Bulla Greg. 13. *Ascendente Domino*, licet ante contractum non dissolvant, ut bene docent Valsq. l. 2, d. 165. c. 3. Sanch. l. 5. moral. c. 1. n. 9.

**Q. 9.** *An præter adducta impedimenta alia adhuc sint, quæ matrimonia reddant tantum illicia?* **R.** tria adhuc assignari posse. 1. Clandestinitatem, ubi Tridentinum non est receptum. 2. Omissionem denunciacionum, seu proclamationum. 3. Omissionem benedictionis; pro quorum pleniore notitia.

**Q. 10.** *Quid circa Clandestinitatem sit ob servandum?* **R.** sequentia: 1. clandestina matrimonia, quæ videlicet sine denunciationibus, sine Parocho & testibus contrahuntur, etiam ante Tridentinum fuisse prohibita à multis Conciliis, ut testatur Leander de Matr. 7. q. 2. Gonjal. &c. 2. Quantumvis fuerint sic prohibita, non fuisse tamen invalida ante Tridentinum, ut ipsum hoc Concilium definit Sess. 24. c. 1. de reform. 3. Etiam defactò, quanquam illicita sint, valida tamen esse, ubi Tridentinum non est receptum; ubi verò receptum est, omnino sunt irrita. Ratio est: quia, cum Concilium Tridentinum Sess. 24. c. 1. cit. simpliciter invalidet contractum clandestinum, consequenter tollat materiam, & formam matrimoni clandesini solum ubi est receptum, sequitur, ubi receptum non est, contractum non

non invalidari, ac per consequens subsistente materia, & forma matrimonium quoque subsistere. Rationes verò, quare Concilium clandestina matrimonia, nulla esse voluerit, sunt 1. quia cùm matrimonia clandestina probari non possent, facile conjuges commiscebantur cum aliis absque adulterii nota; imò transitus siebat ad alias nuptias, cum perpetuo adulterio, negabantur proles ex illo conceptæ esse propriæ, cum gravi prolium, & boni publici detimento. 2. Quia clandestinitas perpetuus fuit fons, & origo rixarum inter proles, & parentes, cœterosque consanguineos. 3. Sæpe contrahebantur cum impedimentis, quæ facilè detegi potuissent, si nuptiæ fuissent in facie Ecclesiæ celebratæ. Sanch. l. 3. D. 3. n. 3. Observandum. 4. licet denuntiationes ad tollendam clandestinitatem requirantur; iis tamen omissis matrimonia non reddi invalida, dummodò coram Parocho, & testibus fuerint contracta. Sanch. l. 3. D. 5. n. 3. Plura de his infra, ubi de impedimento dirimente clandestinitatis actum fuerit.

**415.** *Q. 11. Quæ de Denuntiationibus sint scienda?*  
 R. summatim illa exhiberi à Trid. Sess. 24. c. 1. de reform. matr. ubi sic: præcipit (sacra synodus) ut imposterum, antequam matrimonium contrahatur, ter à proprio contrahentium Parocho, viribus continuis diebus festiis, in Ecclesia, inter Missarum solennia publicè denuntiantur, inter quos matrimonium sit contrahendum; quibus de-

unctionationibus factis si nullum legitimum opponatur impedimentum, ad celebrationem matrimonii in facie Ecclesiae procedatur, - - - Quod si aliquid quando probabilis fuerit suspicio, matrimonium malitiosè impediri posse, si tot præcesserint denuntiationes; tunc vel una tantum denuntiatione fiat, vel saltē Parocho, & duobus, vel tribus testibus præsentibus matrimonium celebretur. Deinde ante illius consummationem denuntiationes in Ecclesia fiant; ut, si aliqua subsunt impedimenta, faciliter detegantur; nisi Ordinarius ipse expedire judicaverit, ut prædictæ denuntiationes remittantur, quod illius prudentia, & judicio sancta synodus reliquit. Ex his colligitur 1. graviter peccare contrahentes matrimonium omis-  
sis denuntiationibus, nisi impetrata prius dispensatione, quod Perez D. 42. l. 1. n. 7. verum esse censet, si etiam una tantum omitteretur. Oppositam tamen Perezio sententiam probabiliorem censet Kugler tr. de Matr. n. 226. si Parochus moraliter certus sit de parentia impedimenti. Item graviter peccare Parochum eas absque justa causa, & dispensatione omittendo. Sanch. l. 3. D. 5. n. 6. Poena verd, quæ statuitur Parocho c. fin. de clandestina sponsal. suspensionis ab officio per triennium, est sententiæ ferendæ, ut colligitur ex voce: suspendatur. Colligitur 2. denuntiationes fieri debere à proprio sponsorum Parocho. Unde si sponsi sint diversis Parochis subjecti, in utriusque Parochia fieri debent,

Sanch.

Sanch. l. 3. D. 6. n. 4. Nisi consuetudo obtineat, ut in ejus solum Parochia fiant, in qua nuptiae sunt celebrandae. Laym. l. 5. tr. 10. p. 2. c. 4. n. 10. Cæterum denuntiandi potestatem exercere potest Parochus seu per se, seu per alium. Kugler. tr. de Matr. n. 231. Colligitur 3. denuntiationes fieri debere in Ecclesia, quanquam etiam fieri possint in oratorio, vel juxta Ecclesiam, alióve loco confluente populo. Busenb. l. 6. p. 3. tr. 6. c. 3. dub. 1. Colligitur 4. fieri debere inter Missarum solennia; non improbandus tamen mos juxta Gob. tr. 10. n. 522. si fiant post concionem. Colligitur 5. fieri debere tribus diebus continuis festivis, per quos intelliguntur dies, quibus convenire solet in Ecclesia multitudo magna populi. Continui autem dies sunt, inter quos non interponuntur multi dies festivi v. g. aliquot mensium Barb. de officio Parochi p. 2. c. 21. n. 19. Regin. Bon. Colligitur 6. dispensationem in denuntiationibus pertinere ad Episcopos, & Vicarios Generales: hi enim etiam intelliguntur propriè per li Ordinarii. Probabiliter tamen potestas hæc extenditur etiam ad Abbates potestate Episcopali gaudentes. Barb. de potest. Episcopi. allegat. 32. n. 30. Gob. tr. 10. n. 504. qui n. 404. addit, Parochum, licet dispense non possit; posse tamen declarare leges de denuntiationibus in casibus duodecim, quos refert, non obligare; consequenter posse in illis

illis sinè denuntiationibus procedere ad assi-  
stendum , dummodo moraliter certus sit  
de parentia impedimenti, & denuntiationes  
post contractum Matrimonialem fiant, si  
fieri possint.

*Q. 12. Quenam scienda sint in particulari* 416.  
*de obligatione manifestandi impedimenta, incum-*  
*bente tum sponsis, tum aliis consciis, tum Parocco?*  
*R. ex dictis facilè constare finem denuntia-*  
*tionum, seu bannorum, seu proclamatio-*  
*nū esse, ut, si quo impedimento sponsi in-*  
*nodati sciantur, id manifestetur; quæ qui-*  
*dem obligatio ita urget, ut quisunque*  
*conscius teneatur, per se loquendo, sub*  
*mortali in ipsum pandere. Ita omnes teste*  
*Gob. cit. n. 529. Rationes desumuntur tum*  
*ex mandato Divino de impediendo peccato*  
*proximi, quale est: si in peccato matrimo-*  
*nium contrahatur; tum ex reverentia Sacra-*  
*menti; tum denique ex præcepto juris Ec-*  
*clesiastici. Proinde sponsi cognito impedi-*  
*mento, aut illud manifestare debent, aut à*  
*matrimonio ineundo desistere. Ita teste Pe-*  
*rez D. 43. l. 7. post Sanch. l. 3. D. 14. n. 2.*  
*communiter Doctores. Alius verò id spon-*  
*te manifestare tenetur. Et hoc non tantùm*  
*de casu, quando sponsi malitiosè volunt*  
*contrahere; sed etiam dum impedimentum*  
*ignorant intelligit Dicastillo D. 3. dub. 28.*  
*n. 291. Oppositam tamen per quam proba-*  
*bilem censet Gob. tr. 10. n. 532. Quod in-*  
*telligendum de casu, quo non subest peri-*  
*culum,*

culum, nè postea manifestetur. Nec obstat, quod impedimentum proveniat ex delicto, sítque notum uni soli, dummodo possit detegi utiliter, & sine magno proprio incommodo, ac scandalo, uti & sinè malo tertii innocentis, Sanch. l. 3. D. 13. n. 4. Sufficit autem ad impedimentum probandum testis devilū, uti & auditu ex persona fide digna; licet non sit standum ejus testimonio, nisi testetur de consanguinitate c. licet ex quadam de testibus, & attestat. Porro si testis manifestare vult impedimentum conjunctum cum infamia, prius monere debet obnoxium impedimento, ut desistat à cogitato matrimonio. Si non proficiat, repetenda est monitio coram aliquo bono viro, aut foemina. Si & hoc non prospicit, dicet Ecclesiæ. Sanch. cit. 3. Demum Parochus cognito impedimento tenetur prohibere matrimonium, & remittere ad Episcopum, vel ejus Officiale; neque potest assistere. Sanch. l. 3. D. 15. n. 11. nisi ex sola Confessione cognitum haberet; quo casu prohibere non audebit, sive publicè, sive privatim expetatur; imò neque admonere, nisi in Confessione. Quod si tamen monitione tali facta non absque magno scandalo matrimonium omittere possent, aut omittentes nollent, suadebit, ut contrahant sub condicione: si Papa dispensaverit, animo cohabitandi ut fratres, dum obtineatur dispensatio.

Perez

Perez D. 43. l. 7. n. 6. Si & hoc nolint, tenebitur assistere.

Q. 13. *Quae scienda de Benedictionibus?* R. 417.

summatim & hæc complectitur Trid. Sess.  
 14. c. 1. de ref. Matr. ubi sic: *Eadem sancta synodus hortatur, ut conjuges ante benedictionem sacerdotalem in templo suscipiendam in eadem domo non cohabitent, statuique benedictionem à proprio Parochio fieri, neque à quoquam, nisi ab ipso Parochio, vel ab Ordinario licentiam ad predicationem benedictionem faciendam alii sacerdoti concedi posse, quacunque consuetudine, etiam immemorabili, que potius corruptela dicenda est, vel privilegio non obstante.* *Quod si quis Parochus, vel alius sacerdos, sive Regularis, sive Secularis sit, etiamsi id sibi ex privilegio, vel immemorabili consuetudine licere contendat, alterius Parochiæ sponsos sine illorum Parochi licentia matrimonio conjungere, aut benedicere ausus fuerit; ipso jure tam diu suspensus maneat, quamdiu ab Ordinario ejus Parochi, qui matrimonio interesse debebat, seu à quo benedictio suscipienda erat, absolvatur.* Unde colligitur 1. pecare sponsos in locis, in quibus adhiberi solent benedictiones, si eas omittant; veniamliter tamen tantum, nisi scandalum grave, aut gravis contemptus annexus foret. Gob. tr. 10. n. 562. Navarr. in manuali c. 22. Sanch. l. 7. D. 82. n. 6. cum pluribus. Id nihilominus intelligendum est de nuptiis primis: secundæ enim non benedicuntur, nisi primæ non fuissent be-

neditæ. Cùm conjux alter viduus est, saltem si prius non fuit benedictus. Consuetudo est quorundam locorum, ut benedicatur Sanch. cit. n. 24. Colligitur 2. benedictiones fieri debere in templo à proprio Parocho, sínē cujus licentia si quis benedicit, suspensus sit ab officio, & beneficio: cùm ad unum à Concilio non restringatur. Est tamen suspensio hæc solūm à judice ferenda. Ita rursus Sanch. cit. n. 27. Si sponsi sint potest benedicere; uterque enim est proprius. Gob. n. 566.

### §. III.

#### De Impedimentis dirimentibus in genere.

418. Q. 1. Qua sint impedimenta dirimentia matrimoniū? R. illa numero quindecim sequentibus versibus exhiberi.

Error, conditio, votum, cognatio, crimen,  
Cultus disparitas, vis, ordo, ligamen, honestas,  
Ætas, affines, si clandestinus, & impos,  
Raptaque sit mulier, nec parti redditā tutta.  
Hac socianda vetant connubia, facta retractant.

419. Q. 2. An sciens, vel dubitans de impedimento dirimente valide contrahat? R. si infidelis sciens, vel dubitans de impedimento juris

juris Ecclesiastici tantum v. g. consanguinitatis, vel affinitatis extra primum gradum contraxit matrimonium, validum est, post conversionem. Non item, si impedimentum est juris naturalis. Ratio est: quia tempore infidelitatis non erat subjectus Ecclesiae. Fidelis vero sciens, & ignorans seu Ecclesiastici, seu naturalis juris impedimentum, invalidè contrahit; licet ignorans invincibiliter, non peccet, La Croix l. 6. p. 3. n. 525. Quod si vero fidelis absolute putet adesse impedimentum, dum non adest, invalidè contrahit. Avers. q. 5. n. 2. Validè, si putet posse non subesse, aut eo non obstante forte posse validè contrahi, intendatque facere, quod potest. Ex quo patet idem dicendum de dubitante, si impedimentum re ipsa non subsit; si tamen dubium sit vincibile, peccat graviter contrahendo, priusquam dubium deponat: quia contrahit præcepto gratiæ de non contrahendo cum impedimento. Ita idem Avers. apud La Croix l. 6. p. 3. n. 53.

Q. 3. Quomodo practice sit procedendum, 420, quando advertitur impedimentum, vel oritur prudens de eo suspicio? Ex sponsi cognito post sponsalia impedimento dirimente tenentur desistere à nuptiis, donec impetratur dispensatio. Si vero id sine grandi infamia facere non possent, possent pergere non simulando se consentire: sic enim mentinentur, sed consentiendo, quantum possunt; Ecclesia enim in tali casu non prohibet,

bet, ut contrahant, quantum possunt; nec per hoc formaliter simulant administratiōnē Sacramenti; sed tantū simulant contractum, qui secundūm se non includit actionem sacram, priusquam sit completus; matrimonium tamen illud non valebit, quia manet inhabilitas. Itaque tales debent habere animum non consummandi, priusquam obtinuerint dispensationem, & matrimonium revalidārint. Ità rursus La Croix cit. n. 539. Nunc de singulis singulatim.

#### §. IV.

#### De primo Impedimento, quod est error.

**421.** **Q.** 1. *Quotuplex sit error, qui intervenire potest, & solet, in contractu matrimoniali?* R. cum Lessio. de Matr. n. 136. esse quadruplicem. 1. *Est personae*, cùm una persona pro alia supponitur, v. g. Truta pro Berta. 2. *Conditionis servilis*, dum contrahens cum ancilla putat se cum libera contrahere, de quo agetur §. sequente. 3. *Est qualitatis*, dum credit se contrahere cum nobili, vel virgine, quæ est plebeia, aut corrupta. 4. *Est fortune*, dum sponsa putatur dives, & est pauper. Error hic etiam dici potest qualitatis, sed extrinsecæ. Singuli ex his erroribus dividuntur in *antecedentem*, qui antecedit

cedit omnem liberam voluntatem; unde invincibilis est, & inculpabilis. 2. In consequentem, qui sequitur aliquam errantis voluntatem, ac ideo est voluntarius, ac culpabilis. 3. In concomitantem, qui est tantum comitans, incidens, vel non dans causam actui, nec inducens ad volendum, estque tunc quando is, qui errat circa personam, vel qualitatem, ita animo afficitur, ut eam adhuc ducere vellet, quamvis sciret esse aliam, vel aliter qualificatam.

Q. 2. An tum error antecedens, tum concomitantans invalidet matrimonium, si error sit de persona? 422.  
 R. invalidat, & quidem jure naturae. Est communis. Ratio est: quia error sive antecedens sit, sive concomitans personæ tollit consensum matrimonii cum hac persona; cum errans non consentiat, nisi in eam personam, quam animo concepit, quæque illius est objectum substantiale. Accedit, quod error circa substantiam omnes contractus invalidet; ergo & contractum matrimonii. Aliud est de errore consequente: quia cum error hic voluntarius sit, contractus subsistit.

Q. 3. An error solum qualitatis seu intrinsecæ, seu extrinsecæ, solum antecedens, dirimat? 423.  
 R. cum Sanch. l. 7. D. 18. & communissima negativè Ratio est: quia cum hoc errore fiat mutuus contrahentium consensus, qui nulla lege aut canone irritatur; ergo etiam cum illo subsistet matrimonium. Ratio ulterior

est: quia talis error tantum tollit consensum circa aliquod ignoratum, quod non est de substantia; in personam enim vere consentitur. Et hoc verum est, tametsi error dolo suisset inductus, ut ex eodem Sanch. l. cit. constat. Ratio est: quia etiam hic error habet se tantum per modum causæ extraneæ motivæ, aut impulsivæ, ita ut non impedit consensum substantialem circa personam. Excipe tamen 1. nisi qualitas sive internè per expressam intentionem, sive externe in contractu apponatur per modum conditionis: tali casu enim qualitas fit pars objecti principalis; vel est id, in quo fundatur objectum principale, ita ut ablata ea qualitate objectum non intendantur Laym. l. 5. tr. 10. p. 4. c. 2. n. 2. cum aliis. Ratio est: quia in actibus conditionatis deficiente conditione deficit actus. 2. quia actus agentium non agunt ultra intentionem. Excipe 3. nisi error refundatur, seu redundet in personam, quod tunc juxta cit. Sanch. n. 38. accidit, quando erratur circa qualitatem, quæ certam personam designat, quæ contrahenti prius nota non erat, absque illa qualitate; nec constat mentem contrahentis fuisse in personam sibi praesentem, quæcumque illa sit, consentire.

424. Q. 4. Qualiter peccet, qui sive mentiendo, sive equivocando, sive conditionem suam dissimulando ansa, aut occasio est, ut contrahens erret? q. 4. cum Kugler hic n. 1106. si inducatur

catur error circa substantiam, non est dubium, quin inducens peccet mortaliter: quia cooperatur ad matrimonium invalidum. Si verò contingat circa qualitatem, ut si dolo ac mendaciis puellam induxisti ad promittendum, debes abstinere à matrimonio; vel dolum, seu simulationem aperire. Si verò sinè tua culpa alter contrahens deceptus est; tunc ordinariè potes ab eo petere executionem contractū. Si tamen defectus occultus in sponso gravis, ac perniciosus esset, ut morbus gallicus, lepra, &c. tunc sponsæ indicandus foret, vel à matrimonio abstinendum; cùm alioquin gravis, & injusta perniciose sponsæ inferretur.

Q. 5. An graviter peccet, qui alterum inducit ad nuptias cum deflorata, quam is credit esse virginem, non duclurus, nisi talē esse putaret? R. vel inducens prævidet maritum in notitiam defectū venturum, & ægerimè laturum cum periculo magnarum discordiarum? vel non? si ita? graviter peccat dando ansam, & occasionem scandali, damni, & multorum criminum. Si non? non peccabit inducens, si defectum illum cum deflorata licitis mediis occultet. Colligitur ex Gob. tr. 9. n. 127. Ratio est: quia talis simulatio nec graviter adversatur justitiæ, nec charitati. Non justitiæ: quia non est in usu, ut contrahentes propria vitia prodant; præsertim si videantur non notabiliter nocitura; non charitati: quia nemo

425.

cum suo magno incommodo tenetur procurare proximi bonum.

### §. V.

## De II. Impedimento dirimente, quod est *Conditio*.

**426. Q. 1.** *Quid nomine Conditionis istud intelligitur?* R. licet aliqui per conditionis impedimentum intellexerint defectum conditionis sub, & cum qua contractum est matrimonium; nihilominus plerique Authores per Conditionem intelligunt statum stricte servilem in sponso, aut sponsa. Sunt autem stricte servi, qui ad instar aliarum rerum patrimonii possideri, vendi, & alienari possunt, & ii olim habebantur, qui bello capti erant, unde, & mancipia dicebantur, quasi *manu capti*. Apud Christianos servitus haec nunc sublata est in honorem libertatis, quam per Christum consecuti sumus. Dantur tamen servi adscriptitii, vel de gleba dicti, qui agro colendo, vel praedio sunt adicti, ut inde recedere nequeant, ex quibus natæ proles servi originarii appellantur. Kugler hic n. 1107. & sequentibus.

**427. Q. 2.** *An stricta servitus semper dirimatur matrimonium?* R. negativè. Sed ut dirimat, requiritur i. ut intercedat error, ita, ut pars libera nesciat alterum servituti subjectum. c. 2. de conjug. serv. Nec obstat, tametsi

meti error crassissimus sit. Sanch. l. 7. D. 19.  
 n. 20. Itēm licet vincibilis sit. Mastrius D.  
 7. q. 14. n. 396. idque propter gravissima  
 incommoda, quæ servitus adfert: multūm  
 enim obstat tribus matrimonii bonis suprà  
 explicatis, bono videlicet *prolis*, bono *Sa-*  
*cramenti*, bono *fidei*; quibus providere ser-  
 vus non potest, ita in Domini potestate con-  
 stitutus, ut etiam vendi possit. Accedit;  
 quod error talis circa personam dirimat;  
 ergo etiam circa conditionem. 2. Requiri-  
 tur, ut liber contrahens cum serva ignoran-  
 ter, conditionem suam, & statum deterio-  
 ret; nam si status maneat æqualis, vel me-  
 lioretur, non patitur ullam injuriani. Un-  
 de valet matrimonium servi cum serva, li-  
 cet serva putetur esse libera. Itēm si servus  
 contrahat cum libera, quam servam puta-  
 bat. Sanch. cit. n. 23.

Q. 3. *An servi inter se, aut liber cum ser.* 428.  
*va sciens esse talem, & valide, & licet contra-*  
*bant Dominis invitis?* R. affirmative: Ita  
 S. Thom. in supplem. q. 52. a. 2. Sanch.  
 Less. &c. Ratio est: quia ad bonum publi-  
 cum, & ad evitandas fornicationes jure na-  
 turæ, & divino concessa est potestas contra-  
 hendi. Peccat tamen servus juxta Coninck.  
 D. 31. n. 32. Tamb. Perez, non petendo Do-  
 mini consensum: quia id postulat reveren-  
 tia Dominis debita. Per datam tamen fa-  
 cultatem jus Domini non imminuitur. Lin-  
 de etiam post matrimonium, urgente sal-

tēm gravi necessitate, eum vendere potest.  
 Aliud foret, si Dominus servum cum libera  
 servitutis ignara, servitutem non detegendo,  
 contrahere jubeat; tunc enim servus favo-  
 re matrimonii manumittitur, & fit liber.  
 Et si matrimonium invalidum intenderet  
 Dominus, tali servo privari mereretur,  
 Sanch. l. 7. D. 20. n. 1. Idem est, si servo  
 cum tali contrahente Dominus cum dolo  
 raseat, aut instrumenta dotalia, aut dotem  
 conferat. Itā idem Sanch. l. cit. n. 6. & 9.

**429.** Q. 4. Si liber cum serva, aut ē contra, in-  
 eat matrimonium, cuius conditionem sequantur  
 proles? *¶* Matris, itā, ut si illa libera sit,  
 etiam proles liberæ evadant, & ē contrā.  
 Hinc illud famosum: *partus sequitur ventrem.*  
 Ut autem proles tales liberæ censeantur,  
 sufficit, si mater fuit libera tempore con-  
 ceptionis, vel partū, vel intermedio, quo  
 proles gerebatur in utero. Sanch. l. 7. D. 24.  
 n. 10. & sequent. Ratio desumitur ex fa-  
 fore libertatis, qui specialis esse solet. c. fin.  
 de sent, & re judic.

### §. VI.

De III. Impedimento dirimente, quod  
 est Votum.

**430.** Q. 1. Quale votum dirimat matrimonium?  
*¶* Præter votum simplex castitatis,  
 quod emittunt Religiosi Societatis JESU

post

post Noviciatum, dirimit votum solenne Professionis videlicet Religiosæ, & Castitatis SS. Ordinibus annexæ in latina Ecclesiæ Græci enim ordinati licet utuntur matrimonio ante Subdiaconatum contracto. Votum tamen habent post primæ uxoris obitum. Arcud. I. 7. c. 33. & 43. Quod autem hæc vota solennia dicantur, non habent ab aliqua solennitate, cum qua fiunt, vel fieri possunt; sed ex sola Ecclesiæ constitutione, decernentis, ut vota hæc matrimonium dirimant. Suar. de Rel. I. 2. c. 10. n. 5. Sanch. Less. &c. Præterea matrimonium subsequens dirimit votum, quod uxor in sæculo manens emittit, postquam vir ex ejus licentia ordinatus est.

Q. 2. An votum solenne omne matrimonium dirimat? R. negativè; sed votum solennis professionis in Religione approbata dissolvit matrimonium ratum, & impedit contrahendum; votum verò continentia sacris Ordinibus annexum, item vota simplicia in Societate JESU post Noviciatum emissâ impediunt tantum contrahendum. Laym. tr. 10. p. 4. c. 3. n. 2. Unde invalidè contraheret, quisquis contraheret tali voto obstrictus, incurritque insuper excommunicationem, nisi eum excuset ignorantia, etiam saltē affectata Juris, quā ignorat prohibitionem. Idem est de contrahente cum moniali Clem. I. de consangu-

&amp;

& affin. Item metus gravis, seu qui cadit in constantem virum. Kugler hic c. 3. n. 1163, cum Sanch. l. 7. D. 28. n. 12. & Barb. in Clem. unic. de consang. n. 23. Matrimonium consummatum nec quidem professio Religiosa dirimit. Less. de matr. c. 5. n. 103. Suar. tom. 3. l. 9. c. 22. ac ideo professio talis absque consensu conjugis facta, irrita est, si non jure naturæ, quod complures docent, saltèm lege Ecclesiastica. Ubi tamen notandum, licet professio talis irrita sit, obligari tamen invalidè profitentem instar voti simplicis castitatis. Suar. tom. 3. de Rel. l. c. 7. n. 6. nisi votum emisisset ex fine in Religione manendi. Quòd si compars consentiat, & in sæculo continentiam voveat, si senex sit, vel ipsa etiam Religionem profiteatur, si sit juvenis, est solutio thori, non vinculi, valētque professio. Suar. tom. 3. l. 6. c. 7. n. 8. Laym. &c.

### §. VII.

#### De IV. Impedimento dirimente quod est *Cognatio*.

432. Q. I. *Quotuplex* sit cognatio, quæ dirimit matrimonium: q. esse triplicem: alia enim est *naturalis*, quæ communiter *sanguinitas* dicitur; alia *spiritualis*; alia *legalis*. Cognatio *naturalis* seu *consanguinitas*, quasi *sanguinis unitas* juxta Laym. l. 5. tr. 10.

p. 4 c. 4. n. 1. est vinculum personarum, que ab eodem, eoque propinquo stipite per carnalem generationem descendunt. Quod verò consanguinitas à propinquuo stipite desumenda sit rationem dat cit. Laym. quia virtus generativa propensa quidem est ad generandum simile sui; verùm quò magis à communis stipite, seu generante per succedentes generationes quibusdam quasi gradibus progressio fit, eó magis similitudo, seu proportio sanguinis minuitur. Pro majore dilucidatione.

Q. 2. Quid sit linea consanguinitatis? R. 433. cum eodem Laym. cit. n. 3. Est ordinata connexio personarum consanguinitatem inter se habentium. Est autem triplex hæc linea, videlicet: linea descendantium, ascendentium, & transversa. Prima est secundum habitudinem stipitis, seu generationis ad eos, qui ab ipso per generationem descendunt. Patris videlicet ad filios, nepotes &c. Altera est secundum habitudinem generatorum ad generantem, ut liberorum ad Parentes. Tertia est habitudo eorum, quorum neuter, aut nullus ab altero; sed uterque, aut omnes ab eodem generante descendunt, ut duo fratres à parentibus.


Q. 3. Quid nomine graduum consanguinitatis intelligatur? R. intelligi distantiam unius personæ ab altera in eodem linea, sive scala Consanguinitatis. Finguntur enim gradus.

dus hi ad similitudinem scalarum, quā ab uno gradu ad alterum seu ascenditur, seu descenditur.

¶ 35. Q. 4. Qua regulae sint pro gradibus computandis? R. tres communiter ab Authoribus statui. Prima est pro linea recta, tam Canonico, quam Civilī jure recepta: tot sunt gradus in linea ascendentē, vel descendente, quot sunt persona una demptā. Vel: tot sunt gradus, quot generationes. Secunda est pro linea obliqua, seu transversa æquali: Persona in linea transversa equaliter à stipite distantes eodem gradu inter se distant, quo distant singula à communi stipite. Tertia regula pro linea transversa inæquali est: quot gradibus remotior persona distat à communi stipite, totidem gradibus ipsa persona inæqualiter distantes, de quarum consanguinitate queritur, distant inter se. Jus Civile tot in linea transversa ponit gradus, quod sunt personæ stipite dempto, & sic, quia frater, & frater dempto Patre duas personas constituant, in secundo gradu ponentur. Licet autem regula juris Civilis servetur in successionibus hæredum; in matrimonio tamen, beneficiis Ecclesiasticis, Capellaniis, & aliis rebus Ecclesiasticis regulæ juris Canonici sunt observandæ. Gonzal, in c. 5. de consanguin. n. 8. Regulas has applica sequenti Figuræ.

Q. 5.

Figura facillimam præbens rationem  
indagandi gradus consanguinitatis,  
intra quos per Tridentini Canones  
connubium vivere non liceat.



bird

(~~1~~)

(~~2~~)

(~~3~~)

(~~4~~)

(~~5~~)

(~~6~~)

(~~7~~)

(~~8~~)


(~~9~~)

(~~10~~)

(~~11~~)

(~~12~~)

# Arbor Affinitatis Canonice.



Q. 1.  
n. 18. cu  
a vicinie  
cen in u  
s. Rati  
discutit  
radum po  
e de tra  
de compa  
in gradus  
at; an  
go nec o  
stetac ul  
tio dia

Q. 6.

Cognit  
esse di  
inserim  
ibus li  
uerfz  
gratibus  
to grad  
atio in  
zios fo  
z doc  
z. Ra  
ture di  
sodis in  
i brus  
l com P  
[1, 2, 7]

**Q. 5.** In quo gradu non valeat matrimonium? <sup>436.</sup> R<sup>e</sup>. cum Gob. tr. 9. n. 163. non valere in viciniori, quām sit quintus; valere autem in omni remotiore, quām sit quartus. Ratio est: quia Canones nunc absolu-  
tē dicunt consanguinitatem ultra quartum gradum non dirimere: sic enim cap. non de-  
bet, de consanguinitate, dicitur: Prohibitiō  
copula conjugalis quartum consanguinitatis, & affi-  
nitatis gradum - - non excedat. Nec distin-  
guunt: an in linea recta, vel transversa;  
ergo nec nos debemus distinguere. Quod  
antehac usque ad septimum extensio fuerit,  
ratio est ætas hominum brevior.

**Q. 6.** Quo Jure sit inductum impedimen-  
sum Cognitionis? <sup>437.</sup> R<sup>e</sup>. Authores hac in re pror-  
fus esse diversos: alii enim ajunt irritum  
esse matrimonium jure naturæ in omnibus  
gradibus lineaæ rectæ, & aliquibus lineaæ  
transversæ; alii irritum volunt in solis pri-  
mis gradibus lineaæ utriusque; alii in solo  
primo gradu lineaæ transversæ, & primo ac  
secundo lineaæ rectæ, ita ut in reliquis  
gradibus solo Ecclesiastico jure sit irritum.  
Et de hoc primo gradu certum omnino vi-  
detur. Ratio est: quia omnes gentes bene  
institutæ ductu luminis naturalis horrent  
connubia inter Parentes, & proles. 2. Quia  
ipsa bruta instinctu naturæ refugunt coi-  
tum cum Parentibus, ut apud Sanch. l. 7.  
D. 51. n. 7. testantur Aristoteles, & Plinius.  
3. quia

3. quia gentes abhorrent matrimonia inter fratres, & sorores ; ergo multò magis ex ipsa natura inter Parentes, & liberos. Dereliquis gradibus probabilior videtur negativa. Ratio est : quia soli Parentes sunt principium per se ; ergo illis solis debetur ea relevantia , ob quam jus naturæ matrimonia cum ascendentibus irritat. Quod de primo gradu linea rectæ dictum, probabilius etiam dicendum de primo gradu linea transversæ. Sanch. l. 7. D. 52. n. 11. Bellarm. de Matr. l. 1. c. 24. Layin. Less. &c. Stat pro hac sententia authoritas Innoc. 3. c. *gaudemus* de divortiis, ubi decernit infideles conversos non esse separandos à Matrimonio in infidelitate contracto in secundo, vel ulterioribus gradibus consanguinitatis conjunctos : cum hi legibus Ecclesiæ non attendentur ; ergo è contrario non lege Ecclesiæ , sed lege naturæ irritantur matrimonia cognatorum in gradu primo : alias Pontifex etiam gradum primum lineaë lateralis inclusisset. Accedit, quod Aristoteles apud Sanchez cit. loco cit. solo naturæ lumine ductus censeat fratri cum sorore conjunctionem esse turpissimam. Et August. l. 15. de civitate Dei c. 16. ait. eam ex sola necessitate in mundi exordio licitam fuisse. Unde Sanchez l. 7. D. 51. n. 10. existimat urgente necessitate propagandi genus humanum etiam matrimonium Patris, & filiæ honestandum DEO dispensante, sicut dispensare

poteſt in quibusdam ſaltem impropriè jure naturæ prohibitiſ, quæ non in omni circumſtantia juri naturæ adverſantur.

**Q. 7.** Quomodo prácticè ſit agendum Paro 438.  
cho, vel Confessario, quando dicitur, quod cognacio intercedat inter ſponsos? **R.** Quamvis non debeat ſe velut judicem ſtatuerē in cauſis matrimonialibus; potheſt tamen veluti amicus, aut consultor interrogare: cur putetur ad eſſe impedimentum? vel unde ſit dubium? Ut autem veritatem comperiat, ſcribat in parte inferiori chartæ nomen ſponsi ad ſinistrum latus, ad dextrum no- mea ſponsæ. Supra ſponſum deſcribat ordine ſemper aſcendendo à proximioribus nomina cognatorum ſponsi, qui ex hac parte dicuntur dediſſe cauſam cognitionis; ſimiliter ſcribat in latere ſponsæ, nec cefſet à ſcriptione, donec perveniat ad communem ſtipitem, ē quo ſponsus, & ſponsa ſint mediate generati. Si non reperiatur talis ſtipes, certum eſt nullam ad eſſe cognitionem ſed aderit forte affinitas. Si vero perveniat ad communem ſtipitem, conſideret, in qua linea ſint ſponsi; an in recta, vel transversa æquali, vel inæquali. Applicet deinceps regulas ſuprā dataſ, & ſi eos invenerit intrā qnatuor graduſ, dicat ad eſſe impedimentum; ſi ultra quartum gra- dum, dicat nullum ad eſſe. Gob. tr. 9. n. 165. & 166.

439. Q. 8. *Quid sit cognatio legalis, & quomodo dirimat matrimonium?* Rx. Est propinquitas personarum proveniens ex adoptione perfecta, quæ tunc est, quando homo liber adoptatus auctoritate Principis transit in potestatem adoptantis tanquam haeres necessarius ex testamento in quarta parte, & ab intestato in totum. Ubi observa raram apud Catholicos esse hanc cognitionem. Kugler de matr. n. 1375. Econtra imperfecta est, quando homo etiam alieni juris assumitur in filium non transundo in adoptantis potestatem, & non tanquam haeres necessarius ex testamento, sed tantum ab intestato per potestatem Judicis inferioris ex consensu solius adoptantis. Cognatio inter adoptantem, & adoptatum dicitur *Paternitas*; inter adoptatum, & liberos adoptantis, *fraternitas*; inter uxorem adoptantis, & adoptatum, item inter adoptantem, & uxorem adoptati *affinitas*. Porro linea Paternitatis haec est; adoptans cum adoptato est in primo gradu; adoptans cum liberis adoptati in secundo: cum ejus nepotibus in tertio; cum pronepotibus in quarto. Linea fraternitatis est: liberi adoptantis cum adoptato sunt in primo: nepotes adoptantis cum adoptato in secundo; pro-nepotes in tertio; abnepotes in quarto. Affinitatis haec: adoptans, & uxor adoptati. Item uxor adoptantis, & adoptatus sunt legaliter *affines*. Liberi adoptati cognitionem non

non contrahunt inter se. La Croix l. 6. p. 3.  
à n. 587. Ut adoptio matrimonium dirimatur,  
debet esse perfecta, Sanch. l. 7. D. 63.  
n. 9. quæ si adsit, licet non pauci doceant  
eum matrimonium dirimere inter adoptantem,  
ejusque descendentes, usque ad quartum.  
Sanch. tamen l. 7. D. 63. n. 34. cum  
Gob. tr. 9. n. 177. probabilius esse censet,  
quod tantum dirimat inter adoptantem cum  
persona adoptata, & omnibus ejus descendente-  
bus, qui tempore adoptionis existe-  
bant in potestate personæ adoptatæ. Vide  
Kugler de matr. n. 1373. 1374 & seq.

Q. 9. *Quid sit cognatio spiritualis? & quo modo matrimonium dirimat?* 440. n. esse illam,  
quæ jure Ecclesiastico oritur inter personas  
aliquas ratione Baptismi, & Confirmationis.  
Personæ ratione Baptismi contrahentes de-  
signatae sunt supra in Sacramento Baptismi,  
Ratione Confirmationis eandem contra-  
hentes designat hic versus:

*Confirmans, Confirmatus, Confirmatisq; parentes.*  
Dirimit autem matrimonium inter has per-  
sonas tantum, non inter descendentes, aus-  
tendentes c. de cognat. Spirit. 6. c. v. ve-  
niens. 6. de Cognat. Spirit. & constat ex  
Trid. Sess. 24. c. 2. de ref. Matr. Nisi ex-  
cuset intentionis defectus, aut ignorantia  
tollens moralem libertatem. Gob. tr. 9. n.  
171. & 173.

## §. VIII.

De V. Impedimento dirimente, quod  
est crimen.

**441. Q.** 1. *Quid sit impedimentum criminis?* &  
quo jure matrimonium dirimat? **R.** est  
scelerata quædam conjunctio, quâ conjux  
adhuc vivente sua comparte cum alio, vel  
alia de matrimonio ineundo cum crimine  
aliquo conspirat, Sporer de Matr. n. 98. Est  
impedimentum solius juris Ecclesiastici,  
Sanch. l. 7. D. 79. n. 42. Laym. l. 5. tr. 10.  
p. 4. c. 10. n. 1. Bonac. Sporer &c. Unde  
intideles non ligat. Ceterum ut crimen  
Matrimonium dirimat, debet unus ex con-  
spirantibus esse in vero matrimonio. Kugler  
de matr. n. 1329.

**442. Q.** 2. *Quotuplex sit crimen dirimens matri-  
monium?* **R.** cum Tambur. l. 8. tr. 1. de im-  
ped. c. 6. Perez, Sporer crimen hoc esse  
quadruplex videlicet 1. *conjugicidium solum*,  
quod etiam vocatur *machinatio*. 2. *Conju-  
gicidium cum adulterio*. 3. *Adulterium cum  
promissione futuri matrimonii*. 4. *Adulterium  
cum matrimonio irrito vivente altero conju-  
ge*.

**443. Q.** 3. *Quandonam ob conjugicidium im-  
pedimentum incurritur?* **R.** Conjugicidii im-  
pedimentum incurritur, quando ex præ-  
via conspiratione aut vir occidit uxorem  
suam, vel uxor maritum ea intentione: ut  
cæde patrata, & effectu secuto, simul ma-

tri-

trimonium contrahant. Sanchez l. 1. D. 78. n. 9. Laym. cit. c. 10. n. 2. Prærequiritur proinde 1. conspiratio. 2. Intentio mutuò manifestata contrahendi matrimonium. 3. Cædes verè, & in effectu secuta. Sufficit autem influxus moralis in cædem per consilium, mandatum, preces, minas, cohortationes, &c. dummodò cædes vi talis influxus sequatur. Non sufficit ratihabitio cædis absque conſpiratione facta Laym. n. 1. Less. Leander &c.

Q. 4. Quandonam ob conjugicidium cum adulterio id ipsum incurritur? R. Ut homicidium conjunctum adulterio dirimat requiritur pariter 1. ut mors verè sequatur. 2. Ut adulterium præcedat mortem. 3. Ut adulterium sit formale ex utraque parte, siue, ut utriusque constet, quod unus sit ligatus. 4. Ut alteruter conspirantium sit in vero matrimonio: alias enim non erit adulterium. Machinatio autem adulterio conjuncta hoc habet speciale, quod sufficiat fieri sine conſpiratione, dummodò adsit intentio matrimonium cum adultera contrahendi; tametsi intentio sit in solo occidente. Sanchez l. 7. D. 78. n. 14. Bonac. Less. &c. Item tametsi praeter hanc intentionem, & finem adsit aliis etiam primarius finis, v.g. ut vir ab uxore non accusetur. Less. in auct. v. matrimonium casu 10. Item tametsi vir uxorem occidens incertam aliquam ducere velit; dummodò omnes in-

certæ expressè sint intentæ, & cum omnibus adulterium præcesserit. Sanch, cit. n. 18. Perez, Bonac, &c. Sufficit prætereà, licet non occidatur propria, vel proprius conjux, sed compartis. Sanch, l. 7. D. 78. n. 2. Bonac, &c.

**445.** *Q. 5. Quando dirimat adulterium solum?* **R.** tunc solum dirimere, quando est coniunctum promissioni de contrahendo matrimonio, post conjugis mortem. Requiritur autem ex parte adulterii 1. ut sit formale, seu notum utrique parti, 2. Ut sit verum, non autem solum existimatum, 3. Ut sit perfectum per perfectam carnalem copulam. 4. Ut adulterium, & promissio fiant vivente legitimo conuge adulteri. Ex parte promissionis verò requiritur 1. Ut promissio sit vera, non ficta; 2. Nè sit ante patratum adulterium revocata. 3. Ut sit aliquo signo externo manifestata. Laym, l. 5. tr. 10. p. 4. c. 10. à n. 3 Sanchez, l. 4. D. 79. n. 9. Tamb. Perez, Bonac, &c. Ut juramento firmetur non requiritur. Sanchez cit. 29. Tamb, &c.

**446.** *Q. 6. Quando dirimat adulterium cum matrimonio attentato?* **R.** ut adulterium tale dirimat, requiri 1. conditionis Q. præcedente pro adulterio requisitas. 2. Requiritur, ut ante adulterium habeatur notitia de vivente conuge. Unde si Berta ante hanç notitiam adulterata esset cum Titio, ac dein acceptâ notitiâ matrimonium cum illa atten-

attentaret, non incurreret criminis impedimentum; incurreret verò si ante notitiam sponsalia, vel matrimonium contraxisset, & post notitiam acceptam adulteraretur cum Titio Sanch. cit. n. 32. Gob. tr. 9. n. 209. & n. 210. Tamb. Sporet &c. Porrò notitia de morte conjugis tunc habetur, quando habetur moralis certitudo de ipsa. Sanch. l. 2. D. 46. n. 6. Laym. l. 5. tr. 10. p. 3. c. 3. n. 1.

## §. IX.

De VI. Impedimento dirimente, quod  
est cultus disparitas.

**Q.** 1. *Quid sit cultus disparitas?* R. per di-  
versitatem cultus in Jure, & Theolo-  
gia intelligi diversitatem Religionis, non  
quamcunque, sed illam solam, quae est in-  
ter baptizatum, & non baptizatam, & vi-  
cissim. Gob. tr. 9. n. 214. Ex quo colligi-  
tur 1. Infidelis cum infidieli matrimonium  
esse validum. Sanch. l. 7. D. 73. n. Perez,  
Leander &c. 2. Tales infideles conversos  
non posse solvere matrimonium. Sanchez  
cit. D. l. 7. 74. n. 1. Perez &c. Quod si  
unus infidelium convertatur, & alter sine in-  
juria creatoris cohabitare nolit, potest ma-  
trimonium etiam quoad vinculum solvi.  
Sanch. cit. n. 12. Fill. n. 241. Vide dicta  
de divortio §. 3. Colligitur 3. Quamvis ma-  
trimonium fidelis Catholici cum haeretica, &  
vicissim, sàpe sit periculosus, quam fidelis,

cum infideli; continua tamen Ecclesiæ praxi patere illud esse validum. Hujus occasione.

- 448.** Q. 2. *Quæ circa talia matrimonia Catholici cum heretica, & vicissim, in praxi sint observanda?* *¶.* observanda esse sequentia. 1. Si necdum sit promissum, dissuadeatur: quia Ecclesia multis locis illud prohibet ob periculum perversio[n]is Catholicæ personæ, & prolium, turbationis rei domesticæ, & observationis Festorum, jejuniorum &c. Si persona Catholica sic monita non acquiescat, & pericula censeantur proxima, neganda est illi absolutio: quia non habet propositum vitandi omne mortale. 2. Si sponsalia sint inita, rescindatur: hæc enim est causa sufficiens. Nec sat[is] est, quod aca-tholicus spondeat libertatem Religionis, vel conversionem: quia fallax est, quod amor extorquet, si non præcedat conver-sio actualis. 3. Si contractum sit, neganda non est absolutio polenti de peccato. 4. Parochum, & testes tali matrimonio illicite, id est, sine justis causis assistentes probabili[er] peccare, utpotè rei illicitæ cooperatores. La Croix I. 6. p. 3. n. 646.

### ¶. X.

## De VII. Impedimentis dirimente quod est vis & metus.

- 449.** Q. 1. *Quid hic vocabulo: vis, intelligendum veniat?* *¶.* intelligi omne id, quod impedit libertatem matrimonii seu phy-

physicam, seu moralem : siquidem Ecclesia vult, ut libere omnino contrahatur. Patet ex Trid. Sess. 24. c. 9. de ref. matr. Ac ideo nec ad contrahendum, incuti debet. Excipitur tamen casus, quo ex matrimonio gravissima scandala præviderentur : tunc enim Episcopus per poenas id ipsum prohibere potest. Pign. tom. 4. consult. II. Cœterum vis idem hic significat, ac *violentia*. Quamvis autem voluntas non possit pati vim, quando urgetur ad consensum alicui, cui valde renititur ; cum tamen non renitatur alicui, nisi quod valde metuit, hinc per *vis* propriè hic intelligitur *metus*.

Q. 2. *Qualis debeat esse vis, seu metus, sufficiat ad matrimonium dirimendum?* n. 1. metum hunc debere esse *gravem*, quo probabiliter, & non vanè timeatur aliquod malum grave; seu jam grave sit *absolutè*, id est, quod omnes habeant pro gravi; seu sit grave respectivè, quod grave est respectu conditionis hujus personæ. Et metus talis est, qui dicitur *cadere in virum constantem*. 2. Debet esse *injustus*, id est; incusus à tali homine, qui non habeat jus incutiendi. 3. Ut incusus sit in ordine ad extorquendum matrimonium, non alio fine. Gob. tr. 9. à n. 246. Ex quo colligitur ad dirimendum matrimonium non sufficere metum levem, nec metum gravem ab *intrinsecō* provenientem: hic enim potius conceptus

T s di-

dicitur à metuente, quām incussum. 3. Non sufficere metum *juste incussum*, ut si judex cognitā causā etiam carcere compellat ad matrimonium ineundum.

**451.** *Q. 3. Quae signa, unde conjecturae desumi pos-*  
*sint, interventientis vis, vel metus?* *R. 1.* est:  
 pallor vultūs, & vox submissa, quā sponsa aliquoties interrogata à Parocho tandem consensum expressit. 2. Multa festinatio in contrahendo. 3. Antecedens anima-  
 versio, & repugnantia nubendi. 4. Pro-  
 testationes antecedentes de non volendo  
 talem maritum. 5. Si nulli consanguinei  
 illūs, qui metum passus est, intervenerint.  
 6. Si metum inferens voluerit celare ma-  
 trimonium. 7. Si quasi clām, & noctu  
 initus sit contractus. Sperelli, decis. §. 72.

79. 94.

**452.** *Q. 4. An, qui ex metu gravi init Matri-*  
*monium sciens tale matrimonium esse nullum,*  
*peccet?* *R.* si init cum intentione exercen-  
 di actus permisso veris conjugibus, pecc-  
 at mortaliter. Ratio est: quia habet ani-  
 mum exercendi actus fornicarios. Si abs-  
 que tali animo fingat se contrahere, peccat  
 peccato mendacii. Si autem verè consen-  
 tit ex gravi metu, probabile est, nē quidem  
 venialiter peccare. Sanch. I. 4. de matr. D.  
 16. n. 6. Hinc sequitur, eum, qui metu  
 contraxit, nec petere, nec admittere posse  
 usum matrimonii, & quæ hunc usum tan-  
 quam disponentia antecedere solent: nec  
 enim

enim plus illi licet, quām solutis; nisi cef-  
sante causā metū, consensum priorem ra-  
tihabuerit. Hac namque ratihabitione,  
quæ gesta sunt per metum, convalescunt.  
Sperell, cit, decis. 80. Non censemur tamen  
ratihabitio, si ex metu gravi consensus præ-  
stetur in copulam, oscula &c. Sed ut hæc  
verè dici possint ratihabitio, debent proce-  
dere ex affectu conjugali. La Croix l. 6.  
p. 3. n. 664. Porrò si coactus consensum ex-  
tortum ratihabere velit, pars cogens, juxta  
Avers. q. 4. s. 2. c. cum aliis, resiliere non po-  
test; juxta Sanchez l. 4. D. 15. n. 5. Laym.  
Kugler. &c. potest; quæ probabilior vide-  
tur: cùm matrimonium re ipsa sit nullum;  
nisi talis à judice in delicti pœnam adigere-  
tur,

### §. XI.

#### De VIII, Impedimento dirimente quod est Ordo.

**Q.** I. *Quis Ordo dirimat matrimonium?* A. 453.  
Ordo sacer, sive major ob continen-  
tia solenne votum, quod huic Ordini est  
annexum. Vide dicta de Imped. III. vide-  
licet *voto*. Excipit: nisi infans ordinatus es-  
set Suar. de Rel. l. 9. c. 18. n. 18. Sanch. l.  
7. D. 30. n. 3. Nec irritat Ordo in impu-  
bertate cum notitia Ordini huic annexum  
esse continentia votum; nisi adeptus pu-  
bertatem ratificet Ordinis collationem. Ita  
cit, Sanch. l. 7. D. 30. n. 9. Idem dicendum  
de

de suscepto ex gravi metu, Suar. cit. n. 6. Sanch. cit. D. 29. n. 3. decidente id ipsum Rota Romana apud Pirth. de temoor. Ordin. n. 8. Ratio est : quia obligatio continentiae non constituitur sacro Ordini jure naturali, aut Divino, sed pure Ecclesiastico ; ergo cum metus gravis excusat ab observatione legis Ecclesiasticae, etiam hic excusabit.

**454.** *Q. 2. An Clericus Gracis in sacris constitutus valide contrahat matrimonium?* *R.* negativè : Ita communis. Sunt tamen etiam aliqui authores, inter quos Arcudius apud Tamb. l. 8. tr. 1. c. 9. n. 4. docentes illicitè quidem non tamen invalidè contrahere. Hoc certius est, quod Latini non modo invalidè contrahant; verum etiam illicitè utantur matrimonio ante sacros Ordines susceptos contracto; Gracis autem jam licitus sit usus matrimonii ante sacros Ordines contracti; extra tempus tamen, quo Altaris ministerio deservire debent, Suarez de Rel. tom. 3. l. 9. c. 15. n. 1.

**455.** *Q. 3. Quale matrimonium dirimat sacer Ordo?* *R.* dirimit contrahendum, non contractum. Ita cit. Suar. c. 19. n. 3. Sanch. l. 2. D. 18. n. 9. Laym. Bon. &c. Quod autem Professio in Religione matrimonium ratum dirimat, ratio disparitatis est : quia pro Professione habentur expressa jura; non item pro sacro Ordine. Validè tamen, quamquam illicitè, suscipitur sacer Ordo à conjugato : nihil enim deest ad valorem : cum uxo-

uxoris consensus non sit de essentia Sacra-  
menti Ordinis juxta extrav. antiqua Joan.  
22. de voto. Suar. cit. n. 1. Sanch. Laym.  
&c. juxta quos uxor sic ordinatum ad con-  
sortium conjugale revocare potest. An au-  
tem licet conjugatus suscipere possit ordi-  
nes minores abique uxoris consensu, pro-  
babilis est in utramque partem sententia.

**Q. 4.** *Quas penas incurrat Clericus ma-457.*  
trimontium invalide contrahens? R. sacris ini-  
tiatus ipso facto incidit in excommunicationem.  
Suar. t. 3. de Rel. l. 9. c. 19. n. 12.  
Perez D. 26. l. 6. n. 4. Beneficium tamen,  
si quod habet, non nisi per sententiam à  
Judice ferendam amittit. Sanchez 47. D. 43.  
n. 3. Ordinatus verò in minoribus contra-  
hens validè, ipso facto excidit beneficio.  
Sanch. l. 7. D. 42. n. 4. Lessius l. 2. de J. & J.  
c. 42. 2. Amittit etiam accessum, & regres-  
sum ad beneficium resignatum, aut quælibet  
jura alia. Sanch. cit. D. 72. n. 7. Barb.  
&c. 3. Amittit pensiones Ecclesiasticas titulo  
clericali, aut loco beneficii collatas. Ita  
idem Sanch. l. 7. D. 44. n. 5. & seq. Suar.  
Bar. &c. 4. Amittit omnia privilegia cle-  
ricalia excepto solo privilegio fori, & Canonis  
Less. cit. c. 16. n. 12. Laym. Sanch. &c.  
Ut autem etiam privilegia fori, & Canonis  
retineat, requiritur 1. ut non sit bigamus 2.  
ut vestes, & tonsuram clericalem deferat.  
3. Ut ex deputatione Episcopali alicui Ecclæ-  
siae deserviat, ut habet Trid. Sess. 23. c. 6.

## §. XII.

De IX. Impedimento dirimente  
quod est Ligamen.

**457. Q. 1.** *Quid nomine ligaminis istib[us] intelligatur?* **R.** per vocabulum *ligamen* hic significari vinculum prioris matrimonii, quo durante posterius est irritum. Ita communis. Polygamia enim olim à DEO permis sa viris, à Christo nunc sublata est Laym. l. 5. tr. 10. p. 3. c. 6. n. 8. sic, ut nec Pontifex in ea dispensare possit, nec consuetudine reddi possit licita. Sanch. l. 2. D. 80. n. 9. & 10. Perez, Sporer, Bonac. &c. Ex quo pater vivente conjugé à conjugé altero matrimonium aliud iniri non posse; ac, si ineat, omnino esse nullum; ideo, ut aliud matrimonium iniri possit, constare debet de morte alterius conjugis, ita ut absit omnis dubitatio; seu debet ita prudenter credi, ut contrarium nullo modo videatur probabile; seu, quod idem est, debet de conjugis morte haberi certitudo moralis. Sanch. l. 2. D. 46. n. 6. Laym. l. 5. tr. 10. p. 3. c. 3. n. 1. cum communi.

**458. Q. 2.** *An validum sit matrimonium in dubio de conjugis morte contractum?* **R.** Quanquam graviter peccetur in dubio matrimonium aliud ineundo; valet tamen, si conjux verè mortem oppetiit. Gob. tr. 9. n. 286.

**459. Q. 3.** *Quanta notitia, sufficiat, aut neceſſaria*

faria sit de morte conjugis ad hoc, ut ad aliud matrimonium fiat transitus? R. 1. non sufficere absentiam mariti, etiam per longum tempus; tametsi adhibita fuisset diligentia in inquirendo de ejus vita. Sanch. l. 2. D. 4. 6. n. 1. Tamb. l. 8. tr. 1. c. 10. n. 6. 2. Non sufficit fama de conjugis morte. Ita idem Sanch. n. 15. Laym. Gob. &c. 3. Regulariter etiam non sufficit unus testis. Ita rursus Sanch. n. 12. Laym. Perez. &c. Ratio horum est: quia non abest periculum rationabile irritandi matrimonii. Proinde ad licitum transitum regulariter requiritur certitudo moralis, ut Q. 1. insinuatum, nec sine illa Judex tales nuptias permittere debet. Ita rursus Sanch. l. 2. D. 46. n. 6. Laym. l. 5. tr. 10. p. 3. c. 3. n. 1. Ratio est: quia c. in presentia de Spons. & matr. requiritur certum nuntium de morte conjugis. Si tamen certitudo hæc determinari non possit, relinquitur arbitrio prudentum circumstantiis consideratis.

Q. 4. Quæ argumenta sint, è quibus debita certitudo de morte prioris conjugis haberi possit? R. 1. est liber Parochi, qui inter mortuos conjugem adscripsit. 2. Producio testamenti demortui facta ex mandato Iudicis. 3. Communis, & constans fama, si ad eam accedant alia adminicula v. g. quod fuerit senex, æger, pugnârit in acie &c. 4. Si ad famam accedat unus testis de-

visu; cæterum semper probanda est fama duobus testibus omni exceptione majoribus, qui depônenre debent se à fide dignis audisse, & esse in illo loco publicum, & se credere rem ita habere. 5. Quando locus est distans, ex quo difficulter haberi possunt probationes, sufficit testis unus oculatus, qui judicetur esse fide dignus, & juramento confirmet, quod videret mortuum, exequias, sepulchrum &c. La Croix l. 6. p. 3. n. 677.

### §. XIII.

#### De X. Impedimento dirimente quod est publica honestas.

461. Q. 1. *Quid per publicam honestatem hic significetur?* R. significatur propinquitas personarum orta ex sponsalibus, vel matrimonio rato, vi cujus neuter sponsus validè contrahit cum consanguineis alterius etiam illegitimis. Krim. n. 194. Vocatur publica honestas: quia videtur justum, & decens, honestatique publicæ congruum ut illi matrimonio inter se non copulentur, quos hoc impedimentum afficit. Oritur autem impedimentum hoc solum ex validis sponsalibus; non vero ex invalidis. Patet ex Trid. Sess. 24. de ref. matr. c. 3. ubi sic: *justitia publicæ honestatis impedimentum, ubi sponsalia quacunque ratione valida non erunt, S. Syngdis prorsus, tollit, ubi autem valio-*

valida fuerint, primum gradum non excedant. Non cessat, tametsi sponsalia validè contracta mutuo consensu dissolvantur. Item tametsi unus sponorum moriatur; cum impedimentum hoc post semel contracta sponsalia perpetuum sit. Vide Sanchez, l. 7. D. 68. n. 20. & 21. uti & dicta de Ipons. § 2. Q. 10.

Q. 2. Quonsque publica honestas matrimonium dirimat? R. orta ex sponsalibus de futuro non dirimit ultra primum gradum jure novo Tridentini textu cit, licet jure veteri usque ad quartum gradum diremerit. Orta verò ex matrimonio rato dirimit usque ad quartum gradum: tametsi irritum fuisset ex quacunque causa, duabus exceptis 1. si irritum fuit ex defectu consensus, ut si fit vel à furioso, ebrio, amente, infante, vel ex gravi metu, vel à parentibus in vita prole fuisset contractum. 2. Si irritum fuit ob impedimentum publicæ honestatis: nam matrimonium contractum cum sorore, matre, vel filia sponsæ non habet vim. Desumuntur hæc ex metu proprio Pii V. incipiente ad Romanum spectat, in quo Pontifex declaravit decretum Tridentini in Sess. 24. c. 3. cit. ut refert Sanch.

Q. 3. An sponsalia impuberum conditio-  
nata, item matrimonium clandestinum indu-  
cant hoc impedimentum? R. Sponsalia im-  
puberum absoluta, & clandestinum ma-

P. Herzog Man.

U

triæ

trimonium inducunt, non item sponsalia conditionata, quamdiu conditio non est impleta, id est, quamdiu non transeunt in absoluta. De impuberum impedimento clare loquitur cap. accessus §. sanè de despōns. impub. ubi cum Sporer n. 180. communis accedit. Impedimentum ex matrimonio clandestino tuentes Lessius de matr. n. 178. Gob. tr. 9. n. 386. Tamb. Sporer &c. Ratio etiam est: quia tale matrimonium non est irritum ex defectu interni, & naturalis consensus, sed ex defectu solennitatis, & legitimitatis formæ extrinsecæ, aut inhabitatitatis personarum; ergo sicut olim jure antiquo, sic & nunc causat impedimentum. In sponsalibus conditionatis negant Sanchez l. 7. D. 69. n. 2. & seq. Coninck, Bonac. &c. Ratio est: quia sponsalia conditionata antequam conditio impleatur, non obligant, consequenter non habent vim sponsalium defectu veri consensus. Ergo nec inducunt impedimentum. Quod impedimentum negatur in sponsalibus conditionatis, negandum etiam est in sponsalibus incertis. Ita cit. Authores. Ratio est: quia consensus matrimonii debet ferri in personam certam, ut valeat, adeoque sponsalia incerta (quibus v. g. Cajus dicat se contrahere cum una ex tiliabus Titii) irrita sunt etiam ex defectu legitimi consensus. Colligitur ex Trid. Sess. 24. c. 3. de ref. marr. ubi de-

deciditur ex sponsalibus irritis non oriri hoc  
impedimentum. Vide q. i.

## §. XIV.

De XI. Impedimento dirimente  
quod est *etas*.

**Q.** i. *Quæ etas ad matrimonium contra-* 464. *bendum requiratur?* *q. requiritur*  
*etas pubertatis, sive ut masculus annum 14.*  
*fœmella 12. compleverit. Ità Sanch. l. 7. D.*  
*104. n. 1. Laym. l. 5. tr. 10. p. 4. c. 12. n. 1.*  
*Tamb. &c. Pubertas hæc pubertas est le-*  
*galis: quia juxta Leges, & Canones in præ-*  
*tata ætate positi præsumuntur esse puberes,*  
*hoc est habiles ad copulam, licet aliquando*  
*aliter eveniat: Leges enim præsumunt,*  
*quæ communiter accident. Ætas porro*  
*hic completa esse debet, non tantum mo-*  
*raliter, sed & physice, ità ut contractus non*  
*subsistat, si vel unus dies desit. Ità cit. Sanch.*  
*Perez. Ilsung. &c. Imo probabilius est re-*  
*quiri ætatem mathematice completam, id*  
*est: de momento in momentum, sicut in*  
*professione Religiosa. Ratio: quia in re-*  
*bus ab humano arbitrio non dependentibus,*  
*sed expresse à jure determinatis non valet*  
*illud: quod parum distat, nihil distare vide-*  
*tur, nisi expresse fiat exceptio; nihilomi-*  
*nus: quia Tiraquellus apud Fagn. regulam*  
*hanc solum ait locum habere in odiosis, ut*  
*multis locis glossa probat, censet Kugler hic*

n. 1483. sententiam oppositam etiam multum esse probabilem & in praxi teneri posse.

**465.** Q. 2. An valeat Matrimonium ante assignationes pubertatis annos contractum, si malitia suppleat ætatem? R. affirmativè. Ita Sanch. I. 7. D. 104. n. 5. Sporern. 124. Kugler 1492. Ratio illius est: 1. quia c. de illius 2. de Despons. impub. dicit eos, qui si contraxerunt non debere separari, atqui deberent separari, si matrimonium esset irritum; ergo. 2. Quia ætas ideo determinata est, quod ante illam non præsumantur natura-liter esse puberes, seu capaces sufficientis consensùs, & copulæ; si ergò constet, quod malitiâ ætatem supplente dicto modo capaces sint, non erit opus ætatem ulterio-rem expectare. Ut tamen tales etiam li-citè contrahant, consensus requiritur Epi-scopi c. 2. de despons. impub. apud Kugler cit. n. 1494. Ex dictis colligitur: in quo consistat malitia supplens ætatem, videlicet in sufficiente discretione, seu prudentia ad penetrandam consensus conjugalis vim, 2. in capacitate ad copulam, seu in potentia generandi.

**466.** Q. 3. An valeat matrimonium, si ætate legi-ma pubertatis adepta desit adhuc genera-di potentia? R. cum Sanch. cit. I. 7. D. 104. n. 15. Fill. Gob. Perez &c. affirmativè. Ra-tio est: quia impotentia ad copulam ex te-nera ætate proveniens est mera temporalis, adeo-

adeoque non dirimens matrimonium ex jure. Ecclesiastica autem lex impotentiam inter impedimenta statuit eorum duntaxat respectu, qui aetatem prescriptam nondum impleverunt. Porro ut advertatur: an impotencia sit perpetua, consequenter dirimens contractum matrimonium expectandum censet idem Sanchez n. 19. usque ad perfectos pubertatis annos, quae feminis decimo quarto, maribus decimo octavo aetatis anno contingit.

Q. 4. *Qua signa sint, quod malitia suppletat?*<sup>467.</sup>  
*etatem quoad potentiam generandi?* R. ab eodem Sanchez à n. 24. assignari sequentia.  
 1. Est si foemina impubes ab alio fuisse cognita, vel mas impubes aliam cognovisset.  
 2. Desumi potest ex inspecta à Judice personæ qualitate, membrorum dispositione, bona valetudine. 3. Est presumptio ex nisu ad copulam; item si puer aptus sit ad effusionem semenis. 4. Est menstruum feminæ. Quod verò malitia dicta explorari debeat per inspectionem verendorum, negat n. 32. Sanch. cit. nisi dubitetur de virginitate; vel an vir habeat membrum aptum generationi.

## §. XV.

De XII. Impedimento dirimente,  
*quod est affinitas.*

Q. 1. *Quid sit affinitas?* R. cum La Croix<sup>468.</sup>

U 3.

I. 6.

l. 6. p. 3. n. 6. p. 3. n. 692. bene illam sic describi : est propinquias quedam, que ex copula carnali sive in, sive extra matrimonium habita, etiam cum invita, vel dormiente, oritur inter consanguineos viri, & solam mulierem ; item inter consanguineos mulieris, & solum virum. Vir autem, & mulier non dicuntur propriè affines ; sed fiunt una caro, & vocantur radices, aut principium affinitatis. Sanch. l. 7. D. 64. n. 5. Ex quibus colligitur 1. Consanguineos viri non esse affines cum consanguineis mulieris, & vicissim ; sive non dari affinitatem affinum ; ac ideo consanguineus viri potest ducere consanguineam mulieris, & vicissim. Sanch. cit. D. 67 n. 2. citans cap. non debet de consang. & affin. 2. Affinitatem non oriiri nisi ex vera, & completa copula, per quam semen viri ad vas mulieris perveniat, ut ut hoc fiat. 3. Ad affinitatem sufficere copulam dictam tum licitam, & matrimonialem, tum illicitam, & fornicariam, etiam ante sponsalia factam, Kugler de matr. 1318, & 1320.

469. Q. 2. Quomodo computandi sint gradus in affinitate ? R. eos sic computari, sicut in consanguinitate ; cum hac tamen dispositio : quod in illa in stipite ponantur maritus, & uxor, ac ideo duplices lineaे tum rectæ, tum transversæ formari debeant. Sanch. l. 7. d. 64. n. 4. cum communi, Regu-

gulæ quoque eos computandi eadem sunt,  
quæ pro gradibus consanguinitatis sunt  
datae.

**Q. 3.** Usque ad quotum gradum affinitas ma-  
trimonium dirimat? **R.** affinitatem ex copula  
matrimoniali ortam dirimere matrimonium  
usque ad quartum; ex copula vero fornica-  
ria usque ad secundum gradum. Colligitur  
ex Trid. Sess. 24. c. 4. de reform. matrim. ubi  
sic: Præterea sancta Synodus eisdem, & aliis gra-  
vissimis de causis adducta impedimentum, quod  
propter affinitatem ex fornicatione contractam in-  
ducitur, & matrimonium postea factum dirimit,  
ad eos tantum, qui in primo, & secundo gradu  
conjunguntur, restringit; in ulterioribus vero gra-  
dibus statuit hujusmodi affinitatem matrimonium  
postea contractum non dirimere. Primum lineæ  
rectæ gradum affinitatis ex copula licita ortæ  
putant aliqui jure naturæ matrimonium di-  
rimere; Sanchez tamen cit. D. 66. n. 7. cen-  
set dirimere jure duntaxat Ecclesiastico, ci-  
tans pro se D. Thom. 22. q. 145. a. 9. ad 3.  
cum aliis multis,

### §. XVI.

#### De XIII. Impedimento dirimente quod est clandestinitas.

**Q. 1.** Quid nomine clandestinitatis intel-  
ligatur? **R.** cum communi intelligi  
matrimonium absente Parocho, vel alio Sa-

eerdote de Parochi, aut ordinarii licentia,  
 & sine duobus, vel tribus testibus contractum.  
 Constat ex Trid. Sess. 24. c. 1. de ref. matr.  
 ubi sic: qui aliter, quam presente Parochio,  
 vel alio Sacerdote de ipsis Parochi, seu Ordinarii  
 licentia; & duobus, vel tribus testibus  
 matrimonium contrahere attentabunt, eos  
 S. Synodus ad sic contrahendum omnino in-  
 habiles reddit, & hujusmodi contractus irri-  
 tos, & nullos esse decernit. . . . Insuper Pa-  
 rochum, vel alium Sacerdotem, qui cum mi-  
 nore testimoniis numero, & testes, qui sine Pa-  
 rocho, vel Sacerdote hujusmodi contractui in-  
 terfuerint, nec non ipsis contrahentes gravi-  
 ser ex arbitrio Ordinarii puniri presipit. Ex  
 quo patet 1. Matrimonium clandestinum  
 non ideo dici clandestinum, quod clam,  
 noctu, vel absque proclamationibus inea-  
 tur. 2. Matrimonium tale ante Tridenti-  
 num irritum non fuisse; licet semper fuerit  
 illicitum ob fraudes, & alia inconvenientia,  
 Quod autem irritum reddere tale matrimo-  
 nium fuerit in Ecclesiae potestate, desumi-  
 tur ex eodem cit. Trid. Sess. cit. Can. 4. Si  
 quis dixerit Ecclesiam non potuisse constituere  
 impedimenta matrimonium dirimentia, vel  
 in iis constituendis errasse; anathema sit. 3.  
 Cum Praesentia Parochi ad valorem requi-  
 ratur; nec in casu extremae necessitatis ma-  
 trimonium valere; nisi Parochus assistat.  
 Ita teste La Croix l. 8. p. 3. n. 710. commu-  
 ni-

niter omnes. Constat 4. sufficere Parochum cum titulo colorato in communi errore : si enim hic titulus sufficit ad Sacramentum Poenitentiae , cur non sufficiat etiam ad assistendum in matrimonio ?

**Q. 2.** An Parocho , vel alii Sacerdoti alterius Parochie sponsos conjungenti sine Parechi illorum licentia defacto aliqua pena sit statuta ?  
 R. statutam esse suspensionem. Constat ex eodem Trid. Sess. eadem c. 1, ubi sic : si quis Parochus , vel alias Sacerdos , sive Regularis , vel secularis sit , etiamsi id sibi ex privilegio , vel immemorabilis consuetudine licere contendat , alterius Parochie sponsos sine illorum Parochi licentia matrimonio conjungere , aut benedicere ausus fuerit , ipso jure tamdiu suspensus maneat , quamdiu ab Ordinario ejus Parochi , qui matrimonio interesse debeat , seu a quo benedictio suscipienda erat , absolvatur . Ex quo liquet non sufficere ad valorem matrimonii praesentiam Parochi cujuscunque , sed proprii . Non est tamen opus ; ut , si sponsi sint diversae Parochiae , uterque Parochus assistat , sed satis est Parochus alterius contrahentium , saltē illius contrahentis , in cuius Parochia matrimonium celebratur . Nec valet dicere unum contrahentium tali casu non à proprio Parocho conjungi : quia ratione cotrunctionis utriusque sponsi conjungens est Parochus utriusque . Sanch. l. 3. D. 19. n. 2.

& 4. Et hoc tenendum censet tametsi Parochus in alterius Parochia assisteret. Rationem dat: quia Tridentinum solum requirit Parochi presentiam, qui jurisdictionem voluntariam, qualis haec est, non amittit fines Parochiae egrediens; sicut non amittit audiendo subditi confessionem in alterius Parochia. Idem n. 11.

473. Q. 3. *An ad valorem contractus matrimonialis requiratur, ut proprius Parochus, vel cui hic licentiam assistendi confert, sit Sacerdos?*  
*R. 1.* non requiri, ut proprius Parochus matrimonio assistens sit Sacerdos; requiri autem ut is, cui licentia assistendi conferatur sit Sacerdos. Ita cit. Sanchez l. 3. D. 20, n. 3. & 10. Nav. Henr. Vega Ledesma, Kugler de matr. à n. 929. Ratio est; quia, ut ex citato Tridentini textu pater, Concilium loquens de proprio Parochio, non restringit, ut Parochus sit Sacerdos; restringit autem quoad alium, cui assistendi licentia confertur. Præterquam quod Parochus non Sacerdos exercere possit omnia, quæ à potestate Ordinis non dependent prout non dependet dicta assistentia. Ex quo *R. 2.* Ad hoc ut Parochus licentiam conferat, etiam non requiri, ut Parochus sit Sacerdos; si enim, ut dictum, Parochus non Sacerdos matrimonio potest assistere, non apparet; cur non etiam licentiam assistendi alteri possit conferre. Nec obstat tum ad assistentiam,

tum

tum ad collationem licentiæ, quòd Parochus sit excommunicatus, suspensus, vel irregularis: quia etiam talis verus est Parochus à Tridentino requisitus. Vide cit. Sanch. D. 1. n. 1. 3. & 4. Porrò licentiæ collatio debet esse expressa, vel saltem tacita ratihabitio de præsenti: quia ratihabitio de futuro, quâ quis putat alterum postea ratum habiturum, non sufficit, Sanch. I. 3. D. 35. N. 17. Expressa autem alia est *generalis*, quâ conceditur administratio omnium, quæ ad animarum curam spectant; alia *specialis*, quæ conceditur assistentia in hoc Sacramento; alterutra proinde adesse debet. *Tacita ratihabitio* est tunc, cùm alienus Sacerdos vidente, & sciente, ac tacente Parocho assistit, Sanch. I. 3. d. 45. n. 20. & teste Kugler de matr. n. 983. communis.

Q. 4. Quid si sponsus sit in Parochia, ubi 474.  
Tridentinum est promulgatum, sponsa ubi non  
est promulgatum? R. iniri quidem posse  
matrimonium in alterutra Parochia, ut  
docent Avers. q. 6 f. 3. Krim, n. 660. Pign.  
&c. Si tamen ineatur in Parochia sponsi  
sinè assistentia Parochi erit invalidum, in  
Parochia sponsæ validum erit, sed illicitum,  
Pign. tom. 5. Consult. 79. n. 22. apud La  
Croix n. 714.

Q. 5. An peregrini spectantes ad Paro- 475.  
chiam, ubi Tridentinum non est promulgatum,  
contrahentes claram in Parochia, ubi est pro-  
mul-

mulgatum, valide contrahant? R. negati-  
vè. Ita Sanch. l.3. d. 18. n. 26. Kugler cit.  
n. 294. cum pluribus ibidem citatis. Ratio  
est: quia contractus, qui sunt aliquid per-  
tinens ad forum externum, regulantur  
juxta leges loci, in quo fiunt c. fin. de foro  
comp. Imò tametsi tales contrahant coram  
Parocho, & testibus; non valet tamen con-  
tractus: quia Parochus talis non est pere-  
grinorum proprius, nisi domicilium ibi si-  
gant saltèm per majorem anni partem.  
Aliud est de vagis, qui constantem sedem  
nullibi habent, uti & de talibus, qui sedem,  
quam habuerunt deforuerunt, & aliam  
quærentes nullam possident; nec ullam  
animo præfixerunt; quos Parochus quili-  
bet diligent inquisitione præmisit, & habi-  
tâ ab Ordinario licentiâ conjungere potest,  
ut expressè mandat Trid. 24. c. 7. de refrim.  
matr. Cæterùm si qui de habitatione sua,  
ubi viget lex Tridentini, se conferant ad lo-  
cum, ubi non est recepta eo solùm animo,  
ut clandestinè jungantur, invalidus erit  
contractus. Ita contra Sanchez l. 3. D. 18.  
& Less. in aud. v. matrimonium La Croix l.  
6. p. 2. n. 412. allegans responsum. S. Congr.  
& Breve Urbani VIII. ad Ferdinandum Epi-  
scopum Colon.

**476.** Q. 6. An simpliciter nunquam valeat con-  
tractus matrimonialis absque Parocho? R. cum  
Laym. l. tr. 10. p. 2. c. 4. n. 7. Krim. n. 646.  
Gob.

Gob. n. 475. Valere omnino in locis illis, ubi nulli sunt Parochi, quamvis lex Tridentini tuisset aliquando ibi promulgata. 2. Si quidem Parochus alicubi sit, sed lateat ob metum hæreticorum, aut difficultis sit ad Episcopum accessus. Hinc Captivi inter Turcas, uti & Mercatores in terris Parocho destitutis validè contrahunt, vel coram Magistratu Civili, vel duobus saltēm testibus. Nec opus est, ut testes tum hic, tum alias, sint omni exceptione majores, cum Trid. id non addat. Unde sufficiunt testes infames, fæminæ, pueri habentes sufficientem rationis usum, parentes, domestici, servi. 3. Si ad Parochum non detur securus accessus, ut si adsit metus mortis, exilii, aut gravis mulctæ: quia tali casu censemur moraliter abesse Parochus. Ita responsum à Cong. ad Archi-Episcopum Philipp. 1603. apud La Croix n. 781. Quod si verò habitantes in Parochia acatholica reliqua Sacra menta accipiant a vicino Parocho, tenebuntur etiam ab eodem jungi matrimonio: quia cum in aliis se illi subjeceant, censemur is eorum esse Parochus. 4. Si aliquis post sponsalia, aut post deflorationem cogatur ducere aliquam; nec tamen ipsa velit comparere coram Parocho Catholicō, adsitque v. g. periculum ne capiatur Parochus Catholicus, si compareat. Ita idem La Croix n. 782.

## §. XVII.

## §. XVII.

De XIV. Impedimento, quod est  
impotentia.

477. Q. I. Quid, & quotuplex sit *impotentia*?  
*R.* *Impotentiae* nomine hic intelligi  
*inabilitatem coeundi*, sive *exercendi actum*  
*conjugalem*. Item *inabilitatem ad proles ge-*  
*nerandam*, licet non adsit *inabilitas coeundi*,  
*quae impotentia sterilitas dicitur*. Prima,  
*non secunda inter impedimenta dirimen-*  
*tia numeratur*. *Impotentia coeundi alia*  
*est perpetua*, alia *temporalis*. *Perpetua* est,  
*quae neque arte medica*, neque *consuetis* van. Sacra,  
*Ecclesiæ exorcismis tolli potest*; et si tolli  
*possit cum periculo vitæ*, aut *gravissimi* statim potest  
*morbi*, vel per *miraculum à miraculo* timonium  
*per exorcismos*, quod veluti ordinariè pro-  
*venit*, distinctum: quia tunc, moraliter  
*rem aestimando*, *impossibilis est curatio*,  
*Talem impotentiam* habent spadones, &  
*Eunuchi*, qui teste utroque carentes missio-  
*nen veri seiminis in vas muliebre præstare* non possunt. *Temporalis* est, quæ curari  
*poteat*. Laym. l. 5. tr. 10. c. 1 r. n. 1. & 3. An autem imptoentia tolli possit, ut tem-  
*poralis censeatur*, Medicorum est dijudi-  
*care*. Præterea dividi solet in *naturalen*  
*quæ ex natura*, & in *artificiale*, quæ ex  
*malificio dæmonis*, vel hominis oritur.  
*Item in antecedentem*, & *consequentem ma-*  
*tri*.

trimonium. Itèm in *totalem*, ut si vir neque vas penetrare, neque semen immittere possit, imò etiam vero semine careat, & in *partialem*, si unus ex tribus his defectibus adsit. Denique in *absolutam*, & *respectivam*, sive in *impotentiam respectu omnium*, & *respectu unius*, vel *alterius personæ tantum*.

*Q. 2. An utraque hæc impotentia matrimoniorum dirimat.* *R. Solam perpetuam dirimere, si contractum matrimonialem præcesserit, aut comitetur, non itèm si sequatur. Sanch. l. 7. d. 92. n. 2. Less. de matr. Sacram. c. 12. n. 188. Laym. cit. n. 1.* Hinc si antecessit, liberum est parti innocenti etiam post contractum resilire, & aliud matrimonium inire, si impotentia, & quidem perpetua certò constet. Temporali è contra impotentia laborans occasionem contractus annullandi non præbet. Peccat tamen probabilius graviter, si hunc defectum in contractu occultet: contrahens enim pars non impotens, nisi alter conveniatur, sic contrahit, ut acta velit acquirere jus ad usum matrimonii pro libitu exercendum, circa quod graviter decipitur. Kugler n. 1441. Ex quo etiam colligitur, si impotentia sit absoluta, id est respectu omnium, impotentem nullum matrimonium inire posse; e contra, si tantum sit respectiva, id est respectu unius, vel altetius,

non

478.

non posse quidem contrahere cum iis, respectu quorum impotens est; posse tamen cum aliis, respectu quorum impotens non est. Unde si quis impotens foret respectu virginis, potens respectu corruptæ, non posset quidem contrahere cum virgine; posset tamen cum corrupta. Id verò omnino illicitum est, ut tali casu puella tradatur alteri viro fortiori cognoscenda, ut viro proprio adaptetur: cum in nullo casu licita sit fornicatio. Illicitum etiam est impotentiam artificialem ex maleficio ortam (quæ etiam *accidentalis* dicitur) maleficio pellere: hoc enim esset daemonis ope uti.

479. Q. 3. *Quomodo impotentia perpetua matrimonium dirimat, & dissolvat?* R. si impotentia antecedens, vel comitans certa sit, contrahentes in foro interno abstiner debeant à toro, & copula, utpote quæ in solo matrimonio vero, vel quod habetur pro vero, licita est; licet judex præceptum illis imponeret etiam sub excommunicacione, ut se maritaliter tractent. Tamb. l. 8. tr. 1. c. 13. §. 2. n. 5. Ipsi tamen matrimonium autoritate propria dissolvere nequeunt; sed declaratio nullitatis judicio Ecclesiæ fieri debet. Gob. tr. 9. n. 429. Ratio est tum periculum scandali; tum periculum errandi in re tam difficiili. Si verò tantum verisimilis sit, triennio cohabitare possunt ac copulam tentare, quo triennio finito si po-

potentia non appareat, per judicem competentem procedi potest ad dissolutionem; potest item triennum illud à tentata copula computandum abbreviari. Si impotentia dubia foret, triennum à tentata copula computandum abbreviari non potest. Ita Card. de Luca citans alios, & Rotæ decisiones. Porro judex ad dissolutionem procedere non debet, nisi adhibeat probationes, quantas potest. Insuper requiritur juramentum viri, & mulieris, sicut & septimæ manus, id est septem consanguineorum ex parte viri, & septem ex parte mulieris. Horum, quod verisimile credant conjuges verum dicere, illorum, quod sciant per triennium se non potuisse matrimonium consummare. Sanch. l. 7. d. 198. n. 7. Perez d. 374 f. 11. n. 7. Fill. Hurt. &c. Porro in defectu consanguineorum adhiberi possunt testes alii omni exceptione majores, quibus nota coniugum vita, & mores. Imò si & tot habent non possent, sufficere censet cit. Sanch. duos, vel tres. Præterea juramentum hoc non debet esse de impotentia respectiva, sed de absoluta v. g. frigiditate viri respectu omnium: In respectiva enim insuper, conformiter menti ejusdem Sanchezii, requiri videtur inspectio impotentis. His positis si vir, & fæmina dissolvi nolint quoad coabitationem, & periculum incontinentiaz absit, possunt coabitare tanquam frater, & soror.

R.P. Herzog Man.

X

Ita

Ità idem Sanch. l. 7. d. 97. n. 13. Fill. Tamb;  
&c.

480. Q. 4. Quenam licita sint conjugibus, quando impedimentum impotentiae matrimonio legitime contrac<sup>t</sup>o supervenit? R. licitos illis esse tactus, amplectus, oscula, aliisque maritalis amoris signa, si periculum pollutionis absit. 2. Licitus est illis natus ad copulam conjugalem, quādiu spes probabilis est eam posse perfici; quamvis præter intentionem pollutio, & totius semenis effusio extra vas contingat. Laym. l. 5. tr. 10. p. 4. c. II. n. 4. Gob. tr. 9. n. 421. Fill. Sporer,

### §. XVIII.

#### De XV. Impedimento, quod est Raptus.

481. Q. 1. Quid nomine raptus hic intelligatur? R. intelligi violentam abductionem personæ honestæ, sive ea soluta sit, sive ligata, sive vidua causa libidinis, vel matrimonii contrahendi factam. Requiritur proinde ad verum raptum 1. violentia, per quam raptus differt à furto simplici; unde ad raptum non sufficit, si puerilla precibus, vel donis veris ad consentiendum inducitur; licet è contra sufficiat, si dolo, aut promissis falsis ad eundem movetur. Requiritur 2. ut fiat causa libidinis inhonestæ, sive extra, sive intra ma-

trimonium violentum , non verò ex causa  
alia v. g. servitatis , quod est plagium . Re-  
quiritur 3. ut fiat de loco in locum abdu<sup>c</sup>tio  
saltem inchoata ad aliquod spatiū , etiamē  
ad terminum præfixum non sit petven-  
tum : Dummoddò intentio adsit abducen-  
di , & non tantū quærendi majorem  
commoditatem , aut locum occultiorem  
pro concubitu , ut si quæ ex via publica in  
arbusta pertrahatur . Requiritur 4. ut ea ,  
quæ rapitur , sit virgo , aut viu<sup>a</sup> honesta ,  
aut alia quæcunque . Sanch. l. 7. d. 12. n. 3.  
17. 20. 22. Kugler de matr. n. 1127. 1129.  
1130. 1131. Less. Laym. &c. Ex quibus in-  
feres 1. violentam abdu<sup>c</sup>tionem esse , si ra-  
pitur fœmina , sub parentum , vel tuto-  
rum potestate constituta , tametsi rapta  
consentiat ; non item si rapta sui juris in ab-  
ductionem consensum præstet . 2. Abdu-  
ctionem pariter esse , si personæ , quæ domi-  
na est sui corporis , vis in abducendo infera-  
tur , tametsi parentes , vel tutores consen-  
tiant . Quod idem dicendum , si persona  
volens ignorantibus parentibus , vel tuto-  
ribus abducitur : Cūm enim tutores tales ,  
aut patentes non præstent positivum con-  
sensum , adhuc illis fit aliqua violentia . I-  
dein est , si fœmina sui juris priùs consensit ,  
dein pœnitens ob consensum , eum retrah-  
et , & invita abducatur . Excipe in his ,  
nisi priùs sponsalia contracta essent . 3.

Raptum non esse, si abducatur meretrix. Vide Authores citatos.

482. Q. 2. Quæ pœna Raptoribus à jure Civili  
sint statuta? R. L. un. Cod. de raptu virginis  
 seu viriduarum, pro raptu puellæ vel mu-  
 lieris honestæ sive nuptæ, sive inuptæ remota  
 omni appellatione statuitur supplicium capi-  
 tis tum Raptori, tum iis, qui ipsi auxilio fu-  
 erint, & bona illorum addicuntur mulieri  
 raptæ. Deprehensus in flagrante crimine  
 potest à conjunctis personis, & à Tutoribus,  
 vel Curatoribus raptæ impunè interfici, specta-  
 to foro Civili. Si raptæ sit serva, etiam sup-  
 plicium capitis statuitur; absque bonorum  
 tamen addictione. Nec datur facultas raptæ  
 virginis, vel viduæ Raptorem suum sibi in  
 maritum exposcere, ita ut jure Civili ejus-  
 modi matrimonium esset invalidum. Ita  
 Sanch. cit. n. 41. Kugler n. 2225. addit hic  
 Kugler cit. L. cit. circa has pœnas consuetu-  
 dinem locorum spectandam esse.

483. Q. 3. Quæ pœna Raptoribus jure Canonico  
sint statuta? R. Hoc non approbare quidem  
 pœnam mortis per Leges statutam; jure ta-  
 men antiquo Raptor cedebat raptæ in servi-  
 tutem, ita tamen ut pretio per Leges perso-  
 lato redimere se posset. Quod si rapta in  
 raptum consensisset, debebat hæc parentibus  
 restituiri; Raptor autem fiebat servus eorum  
 dum pretio competente se redimeret  
 c. de Raptoribus 3. XXXVI, q. 1. 2. Rapo-  
 tes,

res, & cooperatores, si Clerici sunt, à gradu, seu Ordine clericali decidunt, hoc est, depo-nendi sunt c. de pueris 4. XXXVI. q. 2. Si verò Laici sint, excommunicationem incur-runt c. 1. 2. 4. 5. & 6. XXXVI. qu. 2. 3. Ra-ptoris personæ Religiose bona vindicantur à loco Religioso c. signis 30 XXVII. qu. 1. Pœnam invaliditatis matrimonii jure civili statutam jus Canonicum abstulit c. cum cause 6. c. fin. de Raptoribus; ac ideo li-cet raptus ut sponsalia, ità matrimonium in-validet, quād diu rapta est in potestate Ra-ptoris; posita tamen extra illam validè con-trahit. Excusat præterea c. 6. citatum Ra-ptorem, si sponsam volentem, seu consentien-tem rapuit, licet invitis parentibus; dum-modo sponsalia præcesserint: nam jure Cano-nico ibi tantum raptus agnoscitur, ubi nihil de nuptiis actum, & simul sponsa nolens ab-ducta est. Ita Kugler n. 1126. Pro quorum luce.

Qu. 4. Quid de raptu constituerit Tridenti. 484.  
num? Rx. id patere ex Sess. 24. c. 6. de ref.  
matr. ubi sic: decernit S. Synodus inter Ra-ptorem, & Raptam, quād in ipso in pote-state Raptoris manserit, nullum posse consi-stere matrimonium. Quid si rapta à Ra-ptore separata, & in loco tuto, & libero con-sistuta, illum in virum habere consenserit,  
eam Raptor in uxorem habeat, & nihilomi-nus Raptor ipse, ac omnes illi consilium au-

xilium, & favorem præbentes, sint ipso jure excommunicati, ac perpetuo infames, omniumque dignitatum incapaces; & si Clerici fuerint, de proprio gradu decidant. Teneatur præterea Raptor mulierem Raptam, seve eam uxorem duxerit, seve non duxerit, decenter arbitrio judicis dotare.

485. Q. 5. An si mulier per vim abducatur juvenem matrimonii causa, locum habeat hac lex Tridentini? R. cum Geb. tr. 9. n. 543. Escobar, Mot. I. 27. c. 33. dub. 141. &c. negativè: quia Concilium loquitur expressè de solis Raptoribus, non de Raptricibus; nec solent Leges statui de casibus rarissimis; est autem rarissimum, quod mulier per se, vel per alios matrimonii causâ aliquem abducatur.

486. Q. 6. An sponsa post sponsalia, si vel abducatur vi, vel sponte, resistentibus Parentibus, aut Tutoribus sequatur, in matrimonium consentiens valide id ipsum contrahat, etiam tunc, dum in Raptoris potestate constituta est? R. affirmativè. Ita enim expressè definitur c. cum causa, de Raptoribus.

### §. XIX.

#### De revelatione invalidi Matrimonii, ac dispensatione in impedimento dirimente.

487. Q. 1. Quot modis matrimonium fiat in validum? R. duobus. Primo defe-

ctu

fectu consensus sufficientis, ad quem modum spectat consensus factus, & metu extortus. 2. Ob dirimens impedimentum sive notum sit contrahentibus, sive occultum. Ubi noto ex Clem. unica de Consanguinitate, eos qui scienter in gradibus consanguinitatis, vel affinitatis constitutione Canonica interdictis, aut cum Monialibus contrahere matrimonialiter non verentur; nec non Religiosos, & Moniales, & Clericos in Sacris Ordinibus constitutos matrimonia contrahentes -- excommunicationis sententiæ ipso facto subjacere. Hæc ramen pœna, cum sit odiosa, non contrahitur propter alia impedimenta præter expressa. Krim. n. 1239. Nec incurritur ab eo, qui bona fide contrahit, & re cognitâ in incestuoso, vel sacrilego uso talis matrimonii perseverat. Ratio est eadem.

**Q. 2. Quomodo matrimonium invalidum 488.**  
 revalidetur? R. 1. Si invalidum est defectu consentis, revalidandum est per consensum verum. Unde si ex una tantum parte defectus hic se tenet, curandum est: Ut ea saltem novum verum consensum eliciat. Sinch. l. 2. d. 32. n. 9. & 10. Nav. Coninck, &c. Sufficere autem tunc consensum intentum probabile censent Kugler à n. 590. Aversa, Sanchez &c. R. 2. Si invalidum est ob dirimens impedimentum, revalidandum pariter est per novum consensum im-

perrata dispensatione , ut docet communis.  
 Unde si una pars impedimentum ignoret ,  
 vel dubitetur , an illi constet , inducenda est  
 suaviter ad novum consensum absolute  
 praestandum. Busenb. l.6. tr. 6.c. 3. d.3. mo-  
 dum geminum indicat , nempe : ut pars im-  
 pedimentum cognitum habens alteri dicat :  
*Si neibi non nupsisses , nonne modo nuberes*  
*vel angor scrupulis de matrimonii nostri valore ,*  
*ideoque renovemus consensum.* Primus tamen  
 modus sufficere non videtur , nisi consensus alte-  
 riкус partis sit absolutus. Si verò exinde detra-  
 ctationem , & scandala , gravésque molestias  
 prævideret , docet Sanch. l.2. d.36. n. 8. cum  
 aliis sufficere , si pars conscientia consensum reno-  
 vet , & alteri declareret cautè curans , ut consen-  
 sus utriusque renovetur. Potrò si matrimo-  
 nium ab impeditis contractum est coram Pa-  
 rocho , & testibus , non est opus ut coram iis-  
 dem consensus renovetur , si impedimentum  
 est occultum , secus , si sit notum. Ita idem  
 Sanchez l.2. d.37.n.3.&c 10.

489. Q. 3. *A quo dispensari possit in impedimen-  
 tis matrimonii ?* R. I. Papa potest dispen-  
 sare in omnibus impedimentis jure Ecclesia-  
 stico dirimentibus ; non item in impedimen-  
 tis dirimentibus jure naturæ , vel Divino ,  
 nisi ex speciali concessione , ex qua matri-  
 monium ratum potest dissolvere ex justa  
 causa. Diana p. 8. tr. 1.ref. 52. Ratio prio-  
 ris

ris est , quia inferior non disponit in lege superioris. Ratio posterioris est : quia solus Pontifex inducit impedimenta dirimentia ; ergo etiam solus illa tollere potest. R<sup>e</sup>. 2. Episcopus in impedimentis dirimentibus matrimonium jam contractum dispensare non potest ordinario jure , nisi ex tacita concessione in casu necessitatis , quando sequentia concurrunt 1. Ut defectus sit dispensabilis. 2. Ut sit occultus , id est non divulgatus. 3. Ut ex altera parte saltem matrimonium sit bona fide contractum. 4. Ut non sit facilis accessus ad Papam. Ita communis cum Perez d. 43. l. 6. Zanch. Bussel. &c. Quod si matrimonium contractum esset ex dispensatione subreptitia , non potest Episcopus sua dispensatione priorem confirmare. Ita cit. Authores. Nunquam etiam potest , si matrimonium nondum sit contractum ; immo nec Legatus à Latere. Laym. l. 5. 10. p. 4. c. 6. Bon. &c. nisi forte ingens urgeret necessitas ad grave malum evitandum. R<sup>e</sup>. 2. Episcopus dispensare potest in impedimentis impedientibus excepto voto castitatis , & sponsalibus prioribus. Item in supervenientibus matrimonio , & debiti petitionem impedientibus. Sanch. l. 8. d. 22. n. 15. Confessarii Regulares possint dispensare ad petendum debitum post conjunctionem consanguinei conjugis in secundo gradu ; cum facultate tamen suorum

330 *Obligatio Parochi III. Pascere oves Sacramen.*

rum Provincialium. Manuel in Bullam Cruc. § 13. n. 17. Porro ut dispensemur in impedimentis dirimentibus, requiritur prima causa justa, ut ablato scandali, extinctio litis inter agnatos, merita potestis &c. Vide Sanch d. 19. In dubio: an quis habeat impedimentum ditimens, & adhibita sufficienti diligentia veritatem nequeat intelligere, probabile censet Busenb. 6. l. 6. tr. 6. c. 3. d. 4. cum aliis posse contrahi absque dispensatione,

A. M. D. G.



Index